

An impressionistic painting of a coastal scene. The sky is filled with thick, textured brushstrokes in shades of blue, white, and pink, suggesting a bright, hazy day. A steep, rocky cliffside on the left is rendered with dark, expressive strokes of green, brown, and grey. The sea is a deep, vibrant blue, with visible ripples and reflections. In the foreground, a wooden structure, possibly a pier or a small building, is partially visible on the right, with dark, vertical posts. The overall style is highly textured and expressive, characteristic of Impressionism.

ზურაბ გოგაშვილი

თეთრი სიჩუმე



ამ მშვენიერი კრებულის ავტორი ზურაბ გოგეშვილია - კაცი სათნო, კეთილშობილი, ენერგიული, მეოცნებე, პოეზიით და სიყვარულით სავსე. მისი პროფესიის მიხედვით თუ ვიმსჯელებთ, პოეზიისგან თითქოს შორსუნდა ყოფილიყო - იგი ინჟინერ-ტექნოლოგია, ამასთან გატაცებულია იოგათი - იოგას ინსტრუქტორია. ამის მიუხედავად, მის ცხოვრებაში პოეზიას მნიშვნელოვანი ადგილი

უჭირავს, უფრო მეტიც - მისი ყოველი დღე პოეზიით იწყება. ლექსებს ახალგაზრდობიდანვე წერდა, მაგრამ მათ გამოქვეყნებაზე არასდროს უფიქრია, მეგობართა წრეში კითხულობდა ხოლმე, შემდეგ ურჩიეს, რამდენიმე ლექსი რომელიმე გაზეთში ან ჟურნალში მიეტანა, ასეც მოიქცა და წარმატებამაც არ დაახანა, ნაწერი შეუქცეს, გაამხნევეს. მრავალი ლექსი დაუგროვდა, რომელთაგან საუკეთესოები შეარჩია და ამ კრებულის სახით სთავაზობს მკითხველს.

ცნობილი ამბავია, ვინც უნდა იყოს - მწერალი, მხატვარი თუ კომპოზიტორი, ვერაფერს შექმნის, თუ ის მოწყვეტილია ცხოვრებას, ცხოვრებისეული შთაბეჭდილებისა და გამოცდილების გარეშე შემოქმედება არ არსებობს. შეიძლება ითქვას, რომ ზურაბ გოგეშვილის ლექსები ცხოვრების ანარეკლია - ისეთივე მღელვარე, მშფოთვარე, იმედიაანი და ნაღვლიანი, როგორც თავად წუთისოფელი. წერს სადად, ალაღად, გასაგებად - აქა მისი პოეზიის ხიბლი.

გვწამს, მისი გულწრფელი და ლამაზი შემოქმედება მკითხველთა სულშიც აღძრავს იმ ემოციებს და ექსპრესიას, რა მღელვარებითაც დაიწერა კრებულში წარმოდგენილი ლექსები.

ზურაბ ფირცხალაიშვილი
ბათუმი, 20.01.2016

ზურაბ გოგეხვილი

თეორი სიჩუმე

« ვინცეზ დღეების თავიდან ათვლას... »

თბილისი 2023

ნიგნი შეადგინა და

გამოსაცემად მოამზადა: **ირმა პორჩხაძე**
მარიამ ქიმიკარიშვილი

განსაკუთრებული მადლობა განეული პროფესიული
დახმარებისთვის **მურად ზარნაძეს**

დაკაბადონება: **თამარ მინდორაძე**

შემოდგომის ფოთლები

ბევრჯერ დაფარავს მიწას ფოთლები,
ღრუბელიც ბევრჯერ დაფარავს ცისკარს,
მე კი, ო, ღმერთო, ერთხელ მოვედი
და ერთხელ წასვლის გამხადე ღირსად!

ტყეში ჩიტებთან მაცხოვრა ნეტა

ტყეში ჩიტებთან მაცხოვრა, ნეტა,
ვკრეფდე მზის ნაყოფს, ზრუნვით მოყვანილს,
მე შვლის ნუკრივით ვიკმარებ ცოტას,
მაგრამ რა ვუყო მტერს და მოყვარეს...

რა ვუყო ნაჩვევ ფუსფუსს და წუხილს,
შენთვის გამოვლილ ცეცხლსა და დელგმას,
არგაციებას სტუმრისთვის ბუხრის,
საჭირვარამო ზარების რეკვას.

ბევრი ვიარეთ კარგად თუ ცუდად,
მინდა ბოლომდე გედგე ჯებირად,
ნუკრის ულუფა მყოფნიდეს მუდამ,
ხარისოდენა შემადლებინა.



პირველად, მაშინ

როცა პირველად დავადგი ფეხი
ცვარიან მიწას, მაშინ, პატარამ,
როცა მიდამო, მაღალი მთები,
პირველმა თოვლმა თეთრად დაფარა,

როცა პირველად ჩამესმა ძილში,
ძალღების ყეფა, მამლის ყვილი,
მას მერე მომდევს, ლხინში თუ ჭირში,
ჩემი ამ მიწის სიტკბოც, ტკივილიც.

როცა პირველად, სანოლთან დახრილ
დედის თბილ ღიმილს შევხვდი ღიმილით,
მაშინ ვიგრძენი რალაცა ახლის
შეუცნობელი სიტკბოც, ტკივილიც.

როცა პირველად, შემდგარმა სკამზე
გავანკრიალე ზარივით ლექსი,
მაშინ ვიგრძენი ლექსის სინაზე,
ჩემი პირველი ძალა და ფესვი.

როცა ვისწავლე პირველი სიტყვა,
მოვწყვიტე ია, ფრთხილად, პირველად,
მას მერე მიყვარს, ო, როგორ მიყვარს
მწვანე მთები და ეზოს ნიფელა.

დღემდე, მას მერე, მომდევს, მომყვება,
ხან სიტკბოება, ხან კი ცრემლები,
მას მერე იწვის, იწვის, არ ქრება
ის სიყვარული უკურნებელი.



...

წესად გვექონდეს ცხოვრებაში ტარება
მუდამ ერთად ეკლისა და ყვავილის,
უმიზეზოდ არაფერი არ ხდება,
უშედეგოდ არაფერი ჩაივლის!

შენზე ზრუნვა არ მოგვშლოდეს, ვენახო!
იმ მინა-წყლის, რამაც დაგვაფრთიანა,
მწარე ჭიქის მხოლოდ გემო გვენახოს,
ტკბილი ჭიქა დაგვეცალოს მთლიანად!

ერთხელ, რთველობას!

რომ გავჩნდი, გაჩნდა ტროფობაც და სევდაც,
იმ დღეს დარგულა ვენახი, თურმე,
მაშინ ქვევრებში ბადაგი ჩქეფდა,
მაშინ ჭრიალი გაჰქონდათ ურმებს.

მას მერე მესმის მიწის ძახილი,
და მიწის ცვარში ვლვივი, ვიზრდები,
ხან ვიფურჩქნები იმ ვენახივით,
ხან ვენახივით ცრემლად ვიღვრები.



ერთხელ, რთველობას, სულის ზეიმმა,
მინის სურნელმა, ვაზის სინაზემ,
ლილინ-ლილინით ოქროს ზვრებიდან
გადმოინაცვლა ქართულ სუფრაზე.

ნამოიმართა ბრძენი თამადა,
თითქოს შემოკრა სადღაც ზარებმა,
ასნია ხელი მშვიდად, დინჯად და
მზით სავსე თასი მზეს შეაგება.

ერთგულება და სითბო, ნუგეში,
ქება კაცობის, გმობა სიყალბის,
ილექებოდა სულის ღრმულებში,
როცა ჯერ კიდევ ბავშვი ვიყავი.

შრომაში, მზის და ვაზის ქებაში,
ასე მომყვება, მომდევს სულ ასე,
დავაჟკაცება ზვრებში, ვენახში,
ჭემმარიტება ქართულ სუფრაზე.

...

კარი ყველასთვის ჩემი ღიაა,
არ მიყვარს პოზირება და პოზა,
სიცოცხლე ჩემი პოეზიაა,
ცხოვრება კი, რა ვთქვა, პროზა!



ისევ ის გავჰვობა მინდა!

*ჟამთა სვლას აქვს თვისება გააკეთილშობილოს
დღი ხნის წინანდელი გრძნობები და გატაცებები.*

მზის სხივებით მინა თბება,
იმოსება მთები,
კვლავ მოფრინდნენ ნება-ნება,
ლურჯი ოცნებები.

კვლავ მენვია მზე და მთვარე
ყრმობა, შენთან ერთად,
მენვია და დავიღვარე
სიხარულის ცრემლად.

მოჩანს ჩემი ეზო, ქუჩა,
სიყმანვილე ჩემი,
დრო მიფრინავს, მე კი ურჩად
ბავშვობაში ვრჩები.

ვხედავ სახლის კიბეს, ნათოვს,
თეთრ ფანტელებს ციდან,
შენს ხელთათმანს, ლურჯად ნაქსოვს,
გხედავ შენც, ერთ ციდას.

თითქოს ღმერთმა დამაბრუნა,
მშობლის იმ ძველ სახლში,
იყო სითბო, იყო ზრუნვა,
სხვანაირი, მაშინ.

ვხედავ შენთვის დაკრეფილებს,
ცივ და მსუსხავ მარტში,



კონად შეკრულ ლამაზ იებს,
საოცნებოს, მაშინ.

მახსენდება, ყურს ეუგდებდით,
ჰანგებს ქუჩის თავში,
თურმე რა ტკბილი ყოფილა,
ის ჰანგები მაშინ.

გახსოვს, ერთად ვაცილებდით,
გემებს გაშლილ ზღვაში,
რა ლამაზები ყოფილა,
ის გემები მაშინ.

ის დრო დამდევს ფეხშიშველა,
დღისით, ღამით, დილით,
ვერაფერმა ვერ მიშველა,
სიხარულით ვტირი.

მანანები ცვივა ციდან,
მოვიშორე დარდი,
ისევ ის ბავშვობა მინდა,
ჩვენს გვერდით რომ დადის!



ლიად დარჩენილი იარა

შოვის ტრაგედიას ვუძღვნი 2023

თვალს ვუსწორებდით საუკუნეებს
და მხარში დედაბუნება გვედგა,
ავბედითობას, ჭირს და უკუნეთს,
ვებრძოდით, როგორც შეგვეძლო, ერთად.

მთა და ხეობა, კლდე და ღრანტები,
იქ, ვინროებში, გვედგნენ დარაჯად,
დასამარებლად ქუხდნენ ზვავები -
ყველა მომხდურის დასამარებლად.

ვიცავდით ქლუხორს, ვიცავდით კოდორს,
ვიცავდით მედგრად ცასა და მიწას,
მტერს არ ვინდობდით - ვტოვებდით მხოლოდ
საყაენოში ამბავის მიმტანს.

ახლა რა ხდება?! დარდისგან ვდნები,
ვნუხვარ და მიკვირს, გამიგონ სწორად,
ჩვენი დამცველი ერთგული მთები,
რად გადაგვექცა სიკვდილის ზონად?!

გაუფერულდა ფიცი და სიტყვა,
იქნებ, რა ვთქვა და, მართლაცდა ვცოდავთ,
ბუნება ხედავს და მისი რისხვა,
ვნუხვარ, არ ინდობს ყმანვილს თუ მხცოვანს.



რასაც დასთესავ, იმას მოიმკი,
სულ ამას ვამბობთ და სულ ეს გვესმის,
სად, როგორ ვივლით, რომელ ბილიკით,
წინ, გზად დაგვხვდება მაღლი ან გესლი!

დიდ სიყვარულზე ვმღეროდით ოდით,
ის ხომ ჩვენში ზის, ის ხომ ჩვენია,
ჩონგურს სიმები დავუბათ, მოდით,
როგორც ყოველთვის, როგორც გვჩვევია.

ქალი და ქარი

ავვიშაირდა იმ დილით ქარი,
ის დღე არავის უქადდა ავდარს,
ამ დროს გამოჩნდი, მშვენიება - ქალი
მარტო, პირისპირ, ავყია ქართან.

ჩამოგინყვიტა თეთრი ლილები,
ფოთლებს გაყრიდა ქათქათა მხრებზე,
დაპარპაშებდა მუქარ-გინებით,
ქარი იმ დილით, იმ მტვრიან გზებზე.

სულს გიბურდნიდა მწარე სისინით,
გიჭერდა ყელში, გიკრავდა სუნთქვას,
და ავხორცული ხითხით-სიცილით
დამარტოვებას ცდილობდა ურცხვად.



გაგითამამდა, სადღაც მიყავდი,
ქარს მოტაცება უნდოდა ალბათ,
ქარი გებრძოდა, შენ თავს იცავდი,
მუხლებთან ხელით გეჭირა კაბა.

პრემიერაა დღეს ჩვენს ქალაქში

პრემიერაა დღეს ჩვენს ქალაქში,
მივყვები მაღლა თეატრის კიბეს,
მსახიობი თუ ხალხი დარბაზში,
ამ დღისთვის ყველა თავის როლს ირგებს.

ქალი თუ კაცი, ყველა კეკლუცობს,
თავს ინონებენ ძვირფას სამოსით,
მჭერმეტყველობენ, ზოგი ბრძენკაცობს,
უჩვეულოდ და რაღაც პათოსით.

ზოგი ვილაცის ინყებს ძაგებას,
ზოგი გულუხვად მეზობელს აქებს,
ერთმანეთს როგორ
ჰგავს ის, რაც ხდება,
კულისებს იქით, კულისებს აქეთ.

ბრჭყვიალებს რამბა, ბობოქრობს სცენა,
ემვება ფარდა ადრე თუ გვიან,
ვხედავ, თავის როლს თამაშობს ყველა,
და ამას ჩვენი ცხოვრება ჰქვია!



ესეც გაივლის! (სიზრძნე სოლომონისა)

ტაძრის გზის გარდა სხვა გზა არ მინდა,
ვიცი, აქ აფრას ღმერთი გამიშლის,
თუ ცა გამეხდა, თუ ზღვა აზვირთდა,
ღმერთის წყალობით, ესეც გაივლის...

ვივლი ბოლომდე, ვივლი მანამდე,
თებერვლის სუსხით და მზით მაისის,
ვიდრე არ მივალ ტაძრის კარამდე,
ტანჯვით, წვალეებით, ესეც გაივლის...

ვიცი, ძნელია ამის ატანა,
როგორც თაკარა, ცხელი ივლისის,
სიყვარულია, ჩემო პატარავ?
არ მოიწყინო, ესეც გაივლის...

მუდამ გვათრობდეს, სანამ ვარსებობთ,
სურნელი პურის, მაღლი მარილის,
და თუ გაბედეს შულლი დათესონ,
არ გაბოროტდე, ესეც გაივლის...

და რომ მიგვიღებს ბოლოს უფალი,
სამოთხის კართან, რტოთი ყვავილის,
ცასა და მინას მაღლი უთხარი,
ვით ყველაფერი, ესეც გაივლის...



ძმობის ფიალა

ისევ ვათენებ ფიქრებში ღამეს,
სადღაც გამეზნა ლექსის პნკარებიც,
სხვაა, ითვლიდე მომქანცველ წამებს,
მაგრამ სულ სხვაა, იგრძნო წამები.

იგრძნო სილაღე ცხოვრების გზებზე,
განსაცდელიც და თამაშიც ცეცხლთან,
სიცოცხლის ყველა გადაშლილ გვერდზე,
გადახლართული სიტკბო და სევდა.

ვიგრძნოთ სამყარო, ხელით შევვხოთ,
სიმებად იქცეს დიდი, პატარა,
ღმერთმა ქნას, ერთ დღეს მართლაც გვენახოს,
ამღერებული მთელი ქვეყანა.

მოდით, შევაგსოთ ძმობის ფიალა,
გადავარჩინოთ სული გრძნეული,
თანაც, გვიყვარდეს ყველა კი არა,
ყველა კი არა, თითოეული!



მეგობრობა

ჩემი ხანჯლით და ნაბადით,
ჩემს ოცნებებთან ერთად,
სანამ ვარ, კუბოს კარამდი,
შენთან მიგულებ, შენთან!

გვენახოს წვიმა, ქარი და
გველოს მთა-მინდორ-ველად,
ძმობილებივით ზღაპრიდან
„რწყილი და ჭიანჭველა“.

ერთგულებით და იმედით,
ისე გვეცხოვროს ყველას,
როგორც ცხოვრობენ ჩვენს გვერდით,
რწყილი და ჭიანჭველა.

ხიფათი აგვშორებოდეს,
მაგრამ მაინც თუ მოვა,
არასდროს დაგვჭირვებოდეს,
ლორისთვის ჯაგრის თხოვნა.

ოდით გვმოძღვრავდნენ: „ისწავლეთ!“,
ჩვენც ვსწავლობთ, თანაც სწორად,
ფეხმარდ რწყილისგან სისწრაფეს,
ჭიანჭველასგან შრომას.

სულ ქორნილებთან ვმოყვრობდეთ,
„ოდელა- დელი- დელა“
მეჯვარედ რწყილი გყოლოდეთ,
თამადად - ჭიანჭველა!



ამოუცნობი ლაქი

ბინდდება, დგება ბურუსი ლამის,
ერთად გათქვეფა ცისა და მიწის,
და სიმარტოვის გრძელდება წამი,
ლამეს რომ უყვარს, ლამემ რომ იცის.

მზეც თითქოს კარგავს თავის სინაზეს,
ნითლდება, თანაც დამალვას ლამობს,
რცხვენია, იქნებ, დედამინაზე
ერთად ამდენი ნანახის გამო.

თვალს ეფარება ყველა არსება,
ყველა თავთავისს ეძებს სამალავს,
მე კი ვფხიზლობ და სხვა რამ არ მრჩება,
გარდა ფიქრების დავრჩე ამარა.

ლამემ წაშალა ცის ყველა სხივი,
მეც ბედს დავნებდი და ჩუმად ვდარდობ,
თითქოს ცოდვები ჩემი და სხვისი,
ჩემს სასთუმალთან ვილაცამ დადო.

ო, ლამევ, ვიყო ასე სანამდე,
ვერ გამიგია, ვინა ხარ, ვერა,
ვისთვის ხარ ტრფობის მშვიდი სავანე,
ვისთვის კი, მწუხრის, ფიქრების კერა.

ლამევ! ხარ ჩვენი სიზმრების მეფეც,
სულის ხან შფოთვა, ხან კი სინაზე,
თენდება, ვხედავ ცის ნათელ ფერებს,
და შენ რომ არა, რაა სინათლე...



დილა ღამეს კვლავ ბეჭებზე დადებს,
ასე ყოველდღე და ღმერთს მადლობა!
მადლობა მას, რომ თანდათან გვაჩვენებს,
მარადიული ღამის დადგომას.

ასეა, ბოლოს ბედი თავისას
დაგვინანილებს, ღირსნი ვართ რისიც,
მანამ კი, მინდა ისე დავინვა,
არ დარჩეს ცოდვა, ჩემიც და სხვისიც!

იმ წუთებისთვის!

თეთრად დაზამთრდა თმებში ჭალარა,
ტარება ჯვარის თითქოსდა მიმძიმს,
იმ დიდ სიყვარულს, იმ მზეს თაკარას,
ორჯერ ვერ ვნახავ, ეს კარგად ვიცი.

ახლა თავს გიხრი, კრძალვით, შორიდან,
ბევრის მნახველი და ფრთაგაშლილი,
ისევ ისა ვარ, ისევ ხვალიდან,
ახალ ცხოვრებას ვიწყებ ბავშვივით.

ასე ვცხოვრობდი მადლით და ღმერთით,
ვცხოვრობდი, ალბათ, უფრო სხვებისთვის,
შენთან მადლობის მეტი რა მეტქმის,
იმ წუთებისთვის, იმ წუთებისთვის!



სუფთა ხელები

*„სიცოცხლე იზომება იმით კი არა,
რამდენჯერ ჩაისუნთქავ და ამოისუნთქავ,
არამედ - რამდენჯერ შეგეკვრება სუნთქვა“.*
ტოლსტოი

არ მსურს ნამდვილად ხოხვა მინაზე,
არც ცამდე ვნატრობ ასვლას,
ვაითუ, ვენდო მაცდურ სიმაღლეს
და მზემ დამთუთქოს, დამწვას.

მინდა ვქარგავდე ლამაზ ირაოს
ცასა და მინას შუა,
თანაც, ვეცადო არ დამიღამოს
ცა, მინიერმა შურმა.

სადაც ვკვდებოდე, იქ კვლავ ვდგებოდე,
მესმოდეს ზარი დილის,
არასდროს ხავსი არ მოდებოდეს
ერთხელ გაკვალულ ბილიკს.

დასაბამიდან ამ ქვეყანაზე,
ვნუხვარ, ხელი ხელს ბანდა,
მე კი სხვას არას შემოგთავაზებ
სუფთა ხელების გარდა.

ისე ვიცხოვრო, წვალეებით, თუნდაც
ისე ინებოს ღმერთმა,
რომ წამით მაინც შეუკრას სუნთქვა
ვინმეს, ამ ჩემმა ლექსმა!



თავად მოვა

თეთრად ყვავილობს ტყეში ხეები,
ისმის ჩუხჩუხი წყაროს,
ტყეს მოეფერე, ნუ შეეხები,
ის თავისთავად ხარობს!

აღარ თენდება, ვალებ დარაბებს,
ბოლო არ უჩანს ლოდინს,
დილა სიბნელეს მაინც ამარცხებს,
სინათლე თავად მოდის.

ველ-მინდვრებს ამკობს თეთრი ლილილო,
ზამთრად ფანტელის თოვა,
შენ ბოროტება არ ჩაიდინო,
სიკეთე თავად მოვა.

ცხოვრება გვებრძვის, გვაბნევს, გვაოცებს,
იყო ლხინი ან გლოვა...
მინა აკურთხე, ზეცა დალოცე,
სიკეთე თავად მოვა!



აისიდან დაისამდე

ვერ ვისვენებ, ჩემზე უთქვამთ -
ბენვის ხიდზე გამივლია,
მერამდენე მოდის სუნთქვა,
არ ვიცი, არ დამითვლია...

დღეს კვლავ ვეტრფი ცისკრის ვარსკვლავს,
ამოდ არ გავისარჯე,
ისევ შევქმნი, შევქმნი ათმაგს
აისიდან დაისამდე!

სინანული

ვერა და ვერ ვივინყებ
შენს სიტყვებს, როცა შემხვდი:
„მესტუმრე, თუ არ მიწყენ,
გამოიარე ერთი“.

წყდება სიცოცხლის კიბე,
წყდება სიცოცხლის მარში,
ვფიქრობ კიდევ და კიდევ,
რად არ გესტუმრე მაშინ...

ჩამომეღვენთა ცრემლი,
გარდასულ დღეებს ვნატრობ,
ერთი ცოდვილი მრევლი
დავრჩი უფალთან მარტო.



სულს შვება მივცე იქნებ,
იქნებ ავენთო სანთლად,
და მერამდენედ ვიწყებ
დროის თავიდან ათვლას.

წლებმა შეგვცვალა თითქოს,
ეს ასე ხდება, ვიცი,
გაქრა ის ძველი სითბო,
გაქრა ბავშვური ფიცი.

ზოგი ნავიდა ჩვენგან,
ზოგს კი ხანდახან ვხვდები,
მიმოიფანტნენ ყველგან
კლასელი მეგობრები.

მოდით, ვესტუმროთ ყველას,
ნინოს, გიორგის, ზვიადს,
სანამ სიცოცხლე ელავს,
სანამ არ არის გვიან.



ექიმ კანა შარაშიძეს

ვერ გამიგია, რა ხდება,
რა სასწაულებს ახდენ,
ერთი კაცი ხარ სახელად,
როგორ ახერხებ ამდენს?!

ციმციმებს მაგ შენს ხელებში,
ათასი ნატერის თვალი,
ვწევარ და ნაირფერებში,
სიზმრად მგონია თავი.

ზღაპარი არაფერია,
მოდის იმგვარი განცდა,
ვხედავ ღმერთსა და ფერიას,
ვხედავ სამოთხის ფარდას.

ესაა შენი ტრიუმფი,
შენი ბრწყინვალე სოლო,
ჩვენი კი, ამქვეყნიური,
შუქი გვირაბის ბოლოს!

ასე გეცხოვროს ბოლომდე,
ქება შენს დღეს და ხვალეს,
ქება ახდენილ ოცნებებს,
ქება ახელილ თვალებს!



გაფრენილი წლები

ტყუპებს (ზოდიაქოს ნიშნით)

როგორც ქარში ქუჩის მტვერი,
როგორც დახლის წვრილი ხურდა,
გაფანტული ძველი წლები,
ყველა უკან დამიბრუნდა!

დამიმძიმდა თითქოს მხრები,
არც კარგად ვარ და არც ცუდად,
გაფრენილი ოცნებები,
ისევ უკან დამიბრუნდა.

ვით ფრინველთა გრძელი მწკრივი,
მომყვებიან წლები გუნდად,
აკინძული, როგორც მძივი,
ყველა უკან დამიბრუნდა.

ზოგი ლურჯი, ზოგი თეთრი,
ზოგი უკვე გამიხუნდა,
და მათ შორის არაერთი
უკან ტვირთად დამიბრუნდა.

ზოგი უკვე მოვიშორე,
როგორც კედლის აბლაბუდა,
ზოგი ძალუმ მოვისროლე,
მაინც უკან დამიბრუნდა.



ხან ჩქარი, ხან ძალზე ფრთხილი,
ვაკეთებდი, რაც არ მსურდა,
აბა, წლები აქოჩრილი
უკან რატომ დამიბრუნდა?!

აღბათ ჩემში ორი ვინმე,
ორი ვინმე გულთმისანობს,
ერთი ამბობს - „იმოქმედე!“
მეორე კი - „ნუ იზამო!“

ვერ გაუგებ ბედის ტრიალს,
ბევრი რამ ვერ მოვასწარი.
წლები ვისთვის სიმდიდრეა,
ვისთვის კიდევ ხარკი, ვალი...



ქალმა ეშხით შემომხედა

გაზაფხულის დილა იდგა,
მზის ზეიმი, ცეკვა ფერთა,
მიყვებოდი ხეივანს და
ჩუმ ოცნებებს და ჩუმ სევდას...
მზეს კიდევ მზე დაემატა
-ალმა დამკრა, გამახურა,
ქალმა ეშხით შემომხედა,
გაკვრით, წამით, უნებურად.
ჩამიარა, ჩამიქროლა,
მე კი ჩემი დამემართა,
არაფერი დამიტოვა,
იმ თვალების ცეცხლის გარდა.
გადაფარა დროის ტალღამ
იმ მაისის თბილი დილა,
რომ ვიხსენებ იმ წამს ახლა,
დაბადება ისევ მინდა!
ისევ ქრება ყველა სევდა,
ყველა დარდი, ყველა ურვა,
-თურმე ქალმა შემომხედა,
ეშხით, წამით, უნებურად!



აფხაზეთი

რა ხანია გადავფრუცლეთ,
ომების და მტრობის გვერდი,
მეგობრობის ხარობს ფუძე,
ამ მიწაზე არა ერთი.
მაგრამ, ვაგლახ! უჩინარი
ქარბობალა დატრიალდა,
ახელილი ბილნი თვალი,
იმ მეორედ მოსვლას ჰგავდა.
ეშმა ისევ მოძუნძულდა,
გაგვიჩერა ხენა და თესვა,
რა სატანამ გვაიძულა
ხელმეორედ ხმლის ალესვა?!
არ გვაკმარა, ნუთუ, ბედმა,
კაცის კვლა და ქალის წყევლა?
ფუძევე, ეს ვინ გაგიბედა
ამოთხრა და ამორწყევა!
მაგრამ ღმერთმა გადმოგვხედა,
ჩარხი წაღმა ბრუნვას იწყებს,
გატყდეს ციხე - არ მოხდება,
ის, რაც მოხდა, დაივიწყე!
სულ ბოლომდე დაგვეცალოს
კიდევ ბევრჯერ ძმობის ჭიქა,
ლხინი აქა, ლხინი იქა,
ფქვილი აქა, ფქვილი იქა...



ბათუმს

ამას ველოდი და, ჰა, მოვედი,
თან მომყვებოდა მზე და ავდარი,
და სიყვარული იყო ყოველთვის,
ჩემი ხატი და ჩემი საყდარი.
ბედის ძიებამ, ცხელმა გონებამ,
სად არ მატარა, სად არ ვიარე,
შენზე ოცნება და მოგონება,
იქ მიშუშებდა ჩემს ძველ იარებს.
ისევ შენთან ვარ, ჩემო ბათუმო!
შენი ღირსებით, შენი სახელით,
ჩემი ძალა ხარ, თან უსასრულო,
თავად ათასი ჭირის მნახველი.
ვხედავ შენს თავზე ახალ ჩუქურთმებს,
უფრო გაზრდილო, უფრო ტანადო,
ნუ მიწყენ, ზოგჯერ ვერ ვცნობ შენს ქუჩებს,
ვფიცავ, არასდროს არ გიღალატო.
წარსულს ჩაბარდა ბართლომეს ღამე,
შუღლი წარსულში შფოთავს და გმინავს
და თუ არსებობს სიკეთე სადმე,
აქ არის მისი კერაც და ბინაც.
მეც მინდა ვიყო დღეს ამ უდიდეს,
ნათელი სახლის ერთი გუშაგი,
ხშირად მადლობას ერთად ვუთვლიდეთ,
ყველა მონამეს, აბოს, შუშანიკს.
ვიყო ამ მიწის, ამ ზღვის და ამ ცის,
დიდი ოჯახის, კვლავაც და კვლავაც,
ისე გვეცხოვროს - ნამდვილი კაცი
არ მოკლებოდეს პატარა ქალაქს!



...

*საპატიო ბათუმელს, აჭარის მხატვართა კავშირის
თავმჯდომარეს, ბათუმის სამხატვრო სკოლის დირექტორს
ბ-ნ გურამ ფუტკარაძეს.*

ტყე შრიალებს, ჩიტი გალობს,
ვარდი ირგებს წითელ კაბას,
შენ კი ფუნჯით დირიჟორობ,
ბუნების ამ დიად ანსამბლს!
ნეტავ, ადრე შეგხვედროდი,
ჩამომერთვა ძმობის ხელი,
არ ვიცი, ვინ ვიქნებოდი
- მხატვარი თუ ლექსის მთქმელი?!
თუმც, ორივე ლირიკაა,
გულის ფეთქვა - კარგად ვიცი,
ლექსს ვკითხულობ, ნახატებს ვქმნი,
ნახატს ვუცქერ - ლექსში ვიწვი.
მცველად გყავდეს მწვანე მთები,
გზა - შენს ნიჭს და შენს გულს ხალასს,
დე, ასეთი რაინდები
ამშვენებდეს რაინდ ქალაქს!



ერთი ნახვით შეყვარება

სულ ვეძებდი, ვერ ვიხილე,
ბედია თუ უფლის ნება,
მუზაა თუ სინამდვილე,
ერთი ნახვით შეყვარება?
სულ ვნატრობდი, არ მეღირსა
საოცრება, ლტოლვა, ვნება,
ნეტა მეგრძნო, თუნდაც სიზმრად,
ერთი ნახვით შეყვარება.
მაგრამ იმ დღეს უთენია,
თითქოს ვარდი მენვა მკლავთან,
არ მინახავს, არც მსმენია,
ავდექი და შემიყვარდა.
უჩვეულო გრძნობა მოდის,
სასწაული დამემართა,
არც მსმენია, არც ველოდი,
სიყვარული შემიყვარდა...



ნატვრა

გული სივდება, სული კნინდება,
სადახლოდ იქცა მთელი ქვეყანა,
ეს იყიდება, ის იყიდება,
ეს რა სენი და ზნე შეგვეყარა...
ხმალი არ არის მოდაში ახლა,
უცხო, დოლარით იპყრობს ნაპირებს,
ცას, მინას ჰყიდი დამდგარი დახლთან,
ნაცვლად რის ყიდვას, ნეტა, აპირებ?
მნარედ ხარხარებს კუპრში კაენი,
ნიშნს გვიგებს ცოდვით სავსე ადამიც,
აუქციონზე გააქვთ ჰაერი,
ორი, ერთი, და გათავდა წამიც...
არ ვნატრობ არც ფულს და არც დიდებას,
რა ვუყოთ ამდენ ხინჯს და ქიმერას,
ჩემს ქვეყანაში იქნებ პირველად
გვითხრან ეს სიტყვა: „არ იყიდება“...

ნოსტალგია

მოგონებები იმ დღეს მეახლა,
იმ დღესვე შეგვხვდი სიყრმის მეგობარს,
საკვირველება! თითქოს ხელახლა
ბიჭად ვიქეცი, ასე მეგონა.
ისევ მომინდა ბურთის თამაში,
გაკვეთილების მომინდა სწავლა,
საყვარელ ქუჩით გავლა ქალაქში,
კიდევ, ორშაბათს კინოში წასვლა.



ერთად თავშეყრა სკოლაში დილით,
ვერ ვიოკებდით ბავშვურ ქარიზმებს,
სიმართლეს ვთესდით, სიკეთეს ვმკიდით,
ახლა ვსაუბრობთ ფინჯან ჩაიზე.
სიცოცხლე ჩქეფდა ნაირფერადა,
ციდან ოცნების ვარსკვლავებს ვხსნიდით,
სკოლის ჩანთებში ხშირად გველაგა
„გრაფ მონტე კრისტო“ და მაინ რიდი.
არ ვიკარებდით ფლიდს და ლაქიას,
ნიგნები იყო ჩვენი მეგზური,
რამდენჯერ, გახსოვს, დაგვინახია,
ზღვაში კაპიტან გრანტის კუნძული.
გახსოვს? ჯუნგლების მეფე ტარზანი,
სასწაულებით სავსე აფრიკა,
ის სიჭაბუკე, როგორც ზღაპარი
როგორც სიზმარი, გაქრა, გაფრინდა.
როგორ გვიყვარდა თავგადადებით,
მე და შენ ერთი ციციქნა გოგონა,
არ გვიშუღლია, ლექსებს ვანთებდით,
და თან სამყარო ჩვენი გვეგონა.
გაელვარება ახალგაზრდობის,
ნათელი სხივი სკოლის კარიდან,
ვერ წარმოიდგენ, რას არ დავთმობდი,
რომ ყველაფერი მოხდეს თავიდან?!



მამის წუხილი

დედა გახდი, გაგეზარდა შვილები,
ჩემთვის, ალბათ, უკვე აღარ გცალია,
არას ვიტყვი, გავჩუმდები, გპირდები,
მაგრამ რა ვქნა? მენატრები ძალიან!
ვისხენებ შენ ფეხის ადგმას, სიარულს,
ზღაპარ-ზღაპარ თამაშსა და გართობას,
შენს ბავშვობას, უდარდელს და მხიარულს,
ჩემს ღვთის ნობათს, ჩემს შობას და აღდგომას!
დღეებს ვითვლი მერამდენედ თავიდან,
მოსვენება არ იქნა, არ მეღირსა,
მომენატრე, თუმცა ჯერ თვეც არ გავიდა,
მომენატრა კართან შენი ფეხის ხმა.
ასე იჯდა მამაჩემიც გზის ბოლოს,
ჩემს ლოდინში გადაღლილი თვალებით,
სულ ასეა, არ გვასვენებს არასდროს,
ორ წვეთივით ერთნაირი განცდები...
მომეძალა ულმოხელი ჭაღარა,
დამიგროვდა დანყვეტილი ღილები,
რომ გაიგებ, ერთ დღეს უკვე აღარ ვარ,
მზრუნველ შვილად უფრო მომეცვლინები.



როგორც იმედი და მონატრება

შენს წინ ვიდექი ფარ-ხმალ აყრილი,
დატყვევებული ლურჯი თვალებით,
უკან ვმაღავდი ხელებს ბალღვით,
სიტყვებს ვეძებდი დიდხანს წვალღვით.
თითქოს დაბრუნდა ის ყრუანტელი
სულსა და გულს რომ ერთ დროს წინკნიდა,
ჰაეროვანი მოგონებები
ჩემი ცხოვრების გაშლილ წიგნიდან.
ისევ მენვია ტკბილი აღმური,
უცებ ამჩატდა წლების სიმძიმე,
მას მერე იმ დღის, იმ სიხარულის,
იმ სიხარულის გრძნობით ვიძინებ.
ეს გრძნობა თურმე არსად წასულა,
მენვია ისევ გულის სიღრმიდან,
მოყვრად, მეგობრად, შენთვის სათუთად,
იგი ჩემში ზის დასაბამიდან.
იგი ჩვენში ზის, როგორც ბუდეში,
გამზადებული ამოსაფრენად
და თავს გვახსენებს, როგორც ნუგეში,
როგორც იმედი და მონატრება.



გაღაღა კაღღა

დღე იყო თბილი, მზიანი, კარგი,
თავს იწონებდა ბალი სიმწვანით,
იმოსებოდა ზღვისპირა პარკი
ჩვეულებრივი ზეიმისათვის.
იყო ხალისი, გულახდილობა,
ხალხის ერთობა, კისკის-სიცილი,
ამდროს კი მათთან მისვლას ცდილობდა
ძალლი შავ-თეთრა, კუდის ქიციინით.
ხალხისგან სითბოს, ზრუნვას ელოდა,
ყელზე ეკეთა საყელო ფართო,
ეძებდა მოყვასს, კაცს და მეგობარს,
ეძებდა, ალბათ, დაკარგულ პატრონს.
ხან იწვა, ხან კი წამოჯდებოდა,
თვალს აყოლებდა უკლებლივ ყველას,
ხალხი თავის გზას მიუყვებოდა,
ძალღს იშორებდნენ გულგრილად, ნელა.
ის კი თვალებით, მხოლოდ თვალებით,
ეუბნებოდა მათ, თუმცა ამაოდ,
ეუბნებოდა თითქოს დარცხვენით
„მე ის არა ვარ, მე სულ სხვა ვარო!
მე სწორედ ის ვარ, ვინც თქვენს პატარებს
ახალისებდა ხტუნვა-თამაშით,
ვინც ცივ ღამეებს თეთრად ატარებს
სოფლად, ჭიშკართან, თუ დიდ ქალაქში.
უცხო არა ვარ, მე სწორედ ის ვარ,
ერთგულება რომ სხვებსაც ვასწავლე.
ის, ვინც ეწამა და მონად იქცა
ადამიანთა მრავალ საფლაფზე.



ბევრი ქვებს გვესვრის, ბევრი კი გვჩაგრავს,
სულის ძრომამდე მოგვშიებია,
სულ მანანნალას გვეძახდნენ, მაგრამ
სიბრაზე გულს არ გაგვეკარებია“
მისეირნობდა მავანთა ტალღა,
თან მიყვებოდა მხიარულება,
თან თეთრი ძალღი და შავი ლაქა
და წუთისოფლის ამაოება.
ასე დღედაღამ, ასე ყოველდღე,
სევდიანი და დიდი თვალებით
ეძებდა პატრონს, კაცს და მოკეთეს,
თუმც ფუჭად, ძალღი, შავი ლაქებით...
იმ დიღიით სკვერებს ბრგე მეეზოვე
დატრიალებდა, თანაც ჩქარობდა,
ჩქარობდა, რათა პირთ აღეგავა
ღამის ცოდვა და არარაობა.
უცებ შეკრთა და ენა დაება,
ჩამოუცვივდა მძიმე მკლავები
-ბუჩქთან, უსულოდ ინვა არსება,
არსება თეთრი, შავი ლაქებით.



ღამის შუქ-ჩრდილები

ღამდება და მზეს ჩუმად ვაცილებთ,
ხმაური ირგვლივ თანდათან იკლებს,
ვნეები და სასთუმალს ვუნანილებ
მთელი დღის შფოთს და მომქანცველ ფიქრებს.
დაღლილი გული, დაღლილი ხელი,
ქუჩა იშუშებს კვლავ დღის იარებს,
და კვლავ იხუტებს ფარდული ძველი,
დღის ნაჯაფ-ნატანჯ-ნალოლიავენს.
ზღვა კი ციმციმებს ნაირფერებად,
ხელახლა იკრებს ბუნება ძალას,
რული ერევა, ბანგი ერევა,
სანაპიროზე განოლილ ქალაქს.
მხოლოდ ესაა, რა ვქნა, რა ვუყო,
კვლავ მიიჩქარის ქუჩის მკრთალ შუქში,
ღამის კლუბისკენ ბიჭი უმანკო,
შინისკენ ქალი, ნამლიან შუშით.
თითქოს სიმშვიდეც, აი, მოვიდა
და ჩაიარაზა ყველა კარები,
არ იკეტება მხოლოდ ორი რამ
- ღამის კლუბი და აფთიაქები.



ცხოვრების მარათონი

მინელდა გულის ფეთქვა,
შემომალამდა გზაში,
როგორ მინდოდა მეთქვა,
რაც ვერ გითხარი მაშინ...
დღე დღეს არა ჰგავს ჩვეულს,
სულ მივიჩქარი სადღაც,
ვგავარ მგზავრს, მარტოს, ეულს
შემორჩენილი ბაქანს.
ბოლო არ უჩანს, არა,
ამ მოუსვენარ აზრებს,
ვჩქარობ, სულ ვჩქარობ, მაგრამ
მანც ნამები მასწრებს.
ვიღაცას ვუხდი ბოდიშს,
ვიღაც, რატომღაც მაქებს,
როდის დავალწევ, როდის,
თავს ამ აბსურდულ აზრებს.
რალაც სულ მინდა მეტად,
რალაც სულ მინდა ნაკლებ,
ეჰ, მაპოვნინა, ნეტა,
ის გზა, დღეს რომ ვერ ვაგნებ.
ვივლი, დღე და ღამ ვივლი,
და გზაში კარვებს გავშლი,
თუნდ დედამინის ირგვლივ,
თოვლში, წვიმაში, ქარში.
მაგრამ, ო, ვიცი ზუსტად,
მეც ვიტყვი იმ ჩემს სოლოს,
ეს გზა, კარგად თუ ცუდად
შენთან მომიყვანს ბოლოს...



ქება მზეს!

ზრუნვით დაგვეყურებ სადღაც ზემოდან,
შენა ხარ ჩვენი სითბოც, სინათლეც,
შენს მწველ სხივებში იხვეწებოდა,
ჩვენი კაცობა, ჩვენი სიმართლე.
შენთან თამაში, ალერსი მახსოვს,
სითბო, სინაზე შენგან ვისწავლე,
თუმც ძალზე შორს ხარ, მაინც ხარ ახლოს,
როგორც არსად, ამ დედამიწაზე.
სამშობლოს ცაზე, მხოლოდ იმისთვის,
რომ იკაშკაშო ხელეზგაშლილმა,
რომ იშრიალოს მუხამ, ვინ იცის,
ქვეყნად რამდენი სისხლი დაღვრილა.
ჭიქა მიჭირავს, სავსე ცრემლებით,
შენი და ვაზის, შენიც, იცოდე,
მე გალაკტიონს დავესესხები:
უსიყვარულოდ რაა სიცოცხლე...
ჰოდა, შენა ხარ ლოცვა-ვედრება,
სიყვარულიც და სიცოცხლეც ერთად,
შენით დაიწყო, შენით გრძელდება
სიყვარულის და სიცოცხლის ფეთქვა.
მე გალაკტიონს დავესესხები,
უსიყვარულოდ ვერ ვითამადავ,
მას გაუმარჯოს, მას, ვინც მზესავით,
კიდევ იწვის კიდევ ანათებს!



დედ-მამის სახლი

ნიგოთი, აპრილი, 2012 წ.

ვიგრძენ თქვენი გულის ცემა,
მესმის თქვენი ლოცვა,
მოვასწარი შელამებას,
აქ, თქვენს სახლში მოსვლა,
მაგრამ რა ვქნა, განა მინდა?
გულზე მადევს ლოდად,
დაკეტილი ჭიშკარი და
დაკეტილი ოდა...
ვდგავარ ჩემთვის, დაზაფრული
სიჩუმით და ბინდით,
მერამდენე გაზაფხული,
აქ, უთქვენოდ, მიდის.
მერამდენედ ტირის ვაზი,
ნატრობს ნაჩვევ ხელებს,
შვენის თეთრად დაბრძენება
აკაცის ხეებს...
მერამდენედ იფურჩქნება,
ატამი და თუთა,
ამათ ჩემი მწუხარება,
აბა, როგორ ვუთხრა?...
მძიმე ხავსი მოსდებია
კიბეს, არემარეს,
ღობეს ნაჩოქილს, სევდიანს,
ვერ ვუსწორებ თვალებს.
მივალ, ვეტყვი ჩემს კაეშანს,
ბევრის მნახველ ღელეს,
დავჯდებით და ტკბილ ბავშვობას
ერთად გავიხსენებთ.



გავიხსენებ რთველს და ზეიმს,
ყურძნობამ რომ იცის,
სანნახელში ზღაპრულ ფერებს,
მზის და ოქროს ციმციმს.
ვუსმენ სადღაც ურმის ჭრიალს,
ვუსმენ გულის ძგერას,
რა ვქნა, ბედის ასეთ ტრიალს,
ვერ გავუგებ, ვერა...
სხივი ადგას თქვენს ძველ ლოგინს,
შვება იგრძნო სულმა,
ბუხრის თავზე შემოდებულს,
ვუცქერ ძვირფას სურათს.
ვუცქერ, თავს ვგრძნობ ბედნიერად,
სიზმრად გხედავთ ხშირად,
გხედავთ ისევ იმ მშობლებად,
ჩემს თავს - ჭაბუკ შვილად.
სახლი, კარი, დიდი თხემლა,
მონყენილი მდელო,
მიდევს წინ გაყინულ ცრემლად,
როგორ მოვინელო?!
ღმერთო ჩემო, რა გაუძლებს,
გაციებულ სახნისს,
ფერფლად ქცეულ ნათელ გულებს,
გადაკეტილ სახლებს.
დაე, იყოს ღია კარი,
როგორც მუდამ იყო,
თქვენი ფუძე, თქვენი კვალი
მეფერება, მიხმობს.
ვინც სიყვარულს დაატარებს,
ლოცვას ვუთვლი უღევს,
ლოცვა ჩემი გახსნილ კარებს,
ლოცვა გახსნილ გულებს!



შენთვის

დილამ მინდვრები ვერცხლით დანამა,
სინათლე ბნელეთს ებრძვის,
მზე ამოგორდა, ამონათა,
ეს მზე ანათებს შენთვის!
ენძელა იას მორცხვად უღიმის:
-ეს რა ლამაზი ხარო?
ვაზს გაზაფხულის ყლორტი უღვივის,
ეს ვაზი შენთვის ხარობს...
ცისკრის ლაჟვარდმა გაფანტა ნისლი,
სითბო ნუ მოგვეშალოს,
ტყეში ჩიტების გალობა ისმის,
ის ჩიტი შენთვის გალობს.
სულ რითმებს ვეძებ, ვინვი, ვცოდვილობ
და ლექსს ავანთებ ბოლოს,
თუ ის ანთია, ცოცხლობს, ძმობილო,
ის ლექსი შენთვის ცოცხლობს...
თუ კვლავ გაისმა, შემოჰკრეს ზარი,
ზარი, გამწვდომი ზეცას,
ყური დაუგდე, გააღე კარი,
ის ზარი შენთვის რეკავს!



შოთა არველაძეს, 2000 წელი

ეს დრო მოვიდა, ეს დღეც დაგვიდგა,
მივჩერებივართ სანუკვარ ეკრანს,
მადლობას გითვლი, გითვლი შორიდან,
აქედან, შვილიშვილებთან ერთად.
შენა ხარ მათი ნატვრაც და ფიქრიც,
მინდორში ფეხის პირველად გასმა,
მათი ბავშვური პირველი ფინტი,
მათი პირველად სკოლაში წასვლა.
ჩუმად ოცნებობს, ნამდვილად ვიცი,
ასეთი ბევრი, პატარა ბიჭი,
ასე ინთება და ასე იწვის
ქართული სული, ქართული ნიჭი.
გამარჯვებების, დე, ჟღერდეს მარში,
სადაც ვართ, მაგრად გაგვედგას ფესვი,
უცხოეთს შენთვის დაკრული ტაში
აქ ყველას გვწვდება, აქ ყველას გვესმის.
მაღე გვენახო მშობლიურ სახლში,
და ტრიბუნები ხალხს ვერ იტევდეს,
და უკვე ჩვენი, ქართული ტაში
მსოფლიოს ძრავდეს კიდით კიდემდე!



ცული სიზმარი

ცხოვრება არასდროს არ მასვენებს და
კითხვის ნიშანს დღედაღამ მისვამს,
ახლაც ვზივარ და მძიმედ ვიხსენებ
ლამის უცნაურ, სევდიან სიზმარს.
ვიხსენებ, აი, ვდგავარ კვარცხლბეკზე,
ისმის მუსიკა ზარ-ზეიმების,
თითქოს მოვიმკე ის, რაც დავთესე,
საკმაოდ რთულად გავლილი გზებით.
გარს მახვევია მავანთა გუნდი,
ფარისეველობენ, მეც, რა ვქნა, ვუსმენ,
ასე მგონია, კაცური ქუდი
აღარ ამშვენებს არავის უკვე.
ამ დროს ბოგინობს მინა ცოდვილი,
ვილაც კვლავ ელის ახალ მესიას,
ვილაც სკამს იცვლის ცხვირსახოცივით,
ვილაც - აბეზზე თავის პენსიას.
ვილაც ხელმწიფის ხდება მრჩეველი,
ბოგანო - გუბერნატორი გახდა,
ამ დროს მხცოვანი მასწავლებელი
ძველმანებს ყიდის, დამდგარი დახლთან.
გვარიშვილობა, ვერცხლი, ქარვასლა,
ხალხი დაიყო თითქოს კლასებად,
რაც ჩვენში ერთხელ უკვე დაფასდა,
ზოგ - ზოგი ცდილობს გადაფასებას.
ვილაცეებმა ფული იშოვეს,
არ ლალატობენ ძველებურ ჩვევებს,
უკან მომდევნ და ვერ ვიშორებ
ბოშა ბავშვების გაშვირილ ხელებს.



ვილაც ხაბაზობს, ვილაც ხარაზობს,
ვილაც უკულმა აჭედებს ლურსმნებს,
მე კი არაფერს არვის ვთავაზობ,
ამას ყველაფერს, ვაგლახ! კვლავ ვუსმენ...

ოდა ყვაჰილს

მწვანე მინდორს სხივი ამკობს,
მზე დედოფლობს მთაში, ბარში,
ძნელია, არ დაიკარგო
ყვაჰილების ქვეყანაში.
სულ პირველად შენთან მოვალ,
მოგეხვევი, ჩუმად გეტყვი:
უცნაური ყვაჰილი ხარ,
ზოგს აბრუებ, ზოგს კი ეტრფი.
ველარ იტევს სითბოს ამდენს,
ნეტარებით სავსე გული,
ვინ მობრძანდა, ნეტა, ადრე,
მიმოზა თუ გაზაფხული?!
ჰოდა, ყველა შენი მოსვლა
ზეიმია დიდი, ვიცი,
მოხვალ, ქუჩებს შეგვიმოსავ,
ხელს ფანჯრიდან გამოგიწვდი.
შენთან ერთად მოვლენ სხვებიც,
გათოშილნი ზამთრის გზებზე,
სიმბოლო ხარ გამარჯვების,
სიცივეზე, სიბნელეზე.
საერთო გვაქვს შენთან ბევრი,



სიუხვითაც ტოლები ვართ,
დახუნძლული ჩვენი ნლები,
შინი ღიღილოებია.
ღმერთის ძალამ ჩვენთან ერთად
მოგიყვანა, შეგიფარა,
უკვდავების ხე ხარ ქვეყნად,
თან, ყვავილი სიფრიფანა.

იყვავილე, დიდხანს, დიდხანს,
სიყვარულით ერთსაც გეტყვი:
ჭირვეული ქალივით ხარ,
ზოგჯერ გვსუსხავ,
ზოგჯერ გვეტრფი.

ოჯახური იდილია

პეპლებივით გაგვიფრინდა
საარაკო, ლურჯი ნლები,
ღვთით ნაბოძი ტვირთი ხარ და
ტვირთით ვდგები, ტვირთით ვწვები.
ასე მივალ აღმართ-აღმართ,
მიმჩატდება თითქოს მხრები,
ამიხსენი, ამ დროს თავად
ტვირთი ხარ თუ ჩიტის ფრთები.?
სულ კეკლუცობ, სულ იცვლები,
მეჩვენება, სხვა ხარ თითქოს,
ხან მსახიობს ემსგავსები,
ხან გამოცდილ პოლიტიკოსს.
ხან, ბავშვური ხიბლი დაგდევს,



ხან, ბრძენი ხარ დავითივით,
თუმცა, მწარეს რომ მომართმევ,
ზოგჯერ გავიწყდება ტკბილი.
ხან ვზივარ და მოთმინებით,
ვუსმენ იმ შენს ქალურ სოლოს,
კაპასობ და მეუბნები,
ამ დროს გლოცავ, სულელოო...
ჭირით, ლხინით, გვერდი - გვერდით,
კიდევ დიდხანს, დიდხანს ვივლით,
ვის ჰქონია გზა ვარდებით,
ჩვენ რომ გვქონდეს მოფენილი.

სიკეთის თესლი

ცხოვრება, ვხედავ, გამინელია,
ისევ ისა ვარ და ღმერთს მადლობა!
არ მქონდა ჩვევად, არც მინერია
დღეების თვლა და ბედოვლათობა.
ავდგები დილით ხალისიანად,
დავიკაპინებ ორთავ სახელოს,
ხეს დავრგავ დიდი სითბოთი კვლავაც,
რომ შვილიშვილი ზრუნვით შეეხოს.
შეეხოს, შეკრთეს, ჩამუხლდეს მშვიდად,
თვალთცრემლიანმა დამლოცოს იქნებ,
აილოს თესლი ჩემს დარგულ ხიდან,
და დაჰკრას ბარი, ეზოში, იქვე.



ქალი და ვარდი

ამას ამბობდნენ დასაბამიდან
„ეძიე ქალი“, მაგრამ რომელი?
ქალი - ნახატი მხატვრის ყალმითა,
ქალი მეუღლე, ქალი მშობელი.
ქალი - თამარი, ქალი - ქეთევან,
ჩვენი სიცოცხლის ძალა და ეშხი,
ვხარობ, ქუჩებში ველარ ეტევა
ამდენი ქალი, ვარდებით ხელში.
მინდორში იჯდა გოგო პატარა,
მზე გულუხვობდა ხუჭუჭა თმებში,
იჯდა გოგონა და ცას ხატავდა,
ცასა და დედას, ვარდებით ხელში.
ხატავდა ამ ცას, ლურჯს და უძიროს,
ყვავილობის თვეს, მაისის თვეში
და კიდევ იმ ქალს, გახსოვთ? უშვილოს,
მაგრამ ბავშვებთან, ვარდებით ხელში.
და თუ არ გაჭრა მშობლის ვედრებამ,
კვლავ დაგვემუქრა დელგმა და თქეში,
გვენახოს ქალი, ტროას კედლებთან,
ქალი ელენე, ვარდებით ხელში.
ქალი და ვარდი, ვარდი და ქალი,
ორთავე წმინდა და ხელთუქმნელი,
არ მოგვკლებოდეს არც ერთი წამით
ვარდებისა და ქალის სურნელი!



სახალისო

სიყვარულის თასს ბოლომდე დავცლი
და გიერთგულეზ მარად,
შენთან ვიქნები ნაზი ან მკაცრი,
მაგრამ გულგრილი - არა.
თვალს მჭრის მინდვრების მწვანე ხასხასი,
გაზაფხულს ვხედავ შენში,
კენტად მოფრენილ პეპელასავით,
მოფრენილს, მარტის თვეში.
გხედავ სიზმარში, გხედავ ყოველდღე,
ვხედავ ჯადოსნურ ფერებს,
შენთან ვიქნები ნაზი ყოველთვის,
მკაცრი? მოვასწრებთ, მერე...

ერთი წუთი

ნაირფერებად ჩახჩახებს რინგი,
მოკრივეები მორჩილად დგანან,
დგანან თითქოსდა მშვიდად და რიდით,
გონგი მჭახედ არ ჩამოკრავს სანამ,
ცხოვრებაც ერთი დიდი რინგია
და რაუნდებიც მძიმედ სათვლელი,
დღეს შერკინების ჩემი რიგია,
ასე, ვინ იცის, კიდევ რამდენი...
წავიჩოქე, ვერ ვიცილებ დარტყმას,
ისმის გუგუნის, შეძახილები,
სანამ რეფერი მოასწრებს დათვლას,
ვდგები, კვლავ მუშტად შეკრულ თითებით.



ვდგები და მოდის მეორე სუნთქვა,
რაუნდებს შორის ის ნუთიც მოდის,
ხვალინდელი დღის ფურცელი სუფთა-
დრო განსჯის, ფიქრის და სულის მოთქმის.
ერთი ნუთი, ვით ერთი ცხოვრება,
შეცდომების და მონანიების,
ელვისებური გამეორება
ტკბილი და მწარე გაკვეთილების.
ხან ბრძოლა, ხან გვერდზე ზანტად გადგომა,
მოგონებებით მძიმდება მხრები,
ვდგავარ და მიკვირს, როგორ დაგროვდა
ერთადერთ ნუთში ამდენი წლები.
თვალწინ ირევა შავი და თეთრიც,
ხიბლი და სევდა ირევა ერთად,
ამ განცდას ყველას გვიგზავნის ღმერთი,
ასე მგონია - მე სხვაზე მეტად.
ვდგები ჯიუტად, ვდგები ათასჯერ,
რადგანაც გავჩნდი, უნდა ვიცოცხლო
და ბედი სანამ სახლში დამაჯენს,
მეტი არასდროს არ წავიჩოქო.



რა ნავილო, სად ნავილო...

ასე იყო პირველ დღიდან,
ასე არის ოდითგანვე,
ზოგს მეფობა ერგო წილად,
ზოგს ლოდინი მეფის კარზე.
ზოგი ეძებს სარჩოს კვირის,
ზოგი ფიქრობს, სად გაერთოს,
მათთან ჩატეხილს, ვინ ჩივის,
ხიდი არ იყო საერთოდ.
რაინდობა აღარ ფასობს,
აღარ ვფიქრობთ ხშირად სხვაზე,
ყველა რაღაც როლს თამაშობს
ამ ცხოვრების დიდ სცენაზე.
კარგს ვაკეთებთ ზოგჯერ ცუდად,
ცუდს კი, სავალალოდ, კარგად,
უფლის მოცემული, ვწუხვარ,
სულის მეკვლე დაგვეკარგა.
ზოგს ცხრა სასახლე არ ჰყოფნის,
ზოგი ტანზე ირგებს საბანს,
ზოგი ზეობს, ზოგი ოფლით
ამ ცხოვრებას თავს ძლივს აბამს.
ზოგი ადის, ზოგი ჩადის,
მგლისა და კრავის არ იყოს,
ბოლოს ზოგ-ზოგს მოკლავს დარდი,
- რა ნავილო, სად ნავილო...



დედის წუხილი

ჩვილის პირველი სიტყვა „დედა“
და ამოსუნთქვაც უკანასკნელი,
სიხარულია, თანაც სევდაა
დედის ყოფა და დედის უღელი.
ეს გვალამაზებს და ეს გვაქალებს,
მაგრამ გაცუდდა ეს სიტყვა, ვაგლახ!
ბოლმა მერევა, ველარ ვაკავებ
ლავად წამოსულ გაგონილ-ნანახს.
კომკი მემღება აგურ-აგურად,
სუნთქვა მეკვრება და ფიქრიც მიჭირს,
სატანამ სულში დაისადგურა
მკერდს მონყვეტილი, უმანკო ბიჭის.
ეს არ მსმენია, ეს არც ყოფილა,
ჩვენში რა უნდა ბილნსა და პირშავს,
სიტყვას ვამბობდით გამოზომილად,
გულანთებულად ვინერდით პირჯვარს.
სანამ გაქრობა არ გვინერია,
ნუ შეგვიბლალავთ ცასა და მიწას,
გთხოვთ და გაფიცებთ, როგორც გვჩვევია,
იმ გულის ფეთქვას, იმ პირველ სიტყვას!



ჭირისუფალი

შემალლებულზე, ერთ-ერთ საფლავთან,
შავად მდუმარი და შეუვალი,
გამვლელებისგან სახეს მალავდა
ძაძებიანი ჭირისუფალი.
უთუოდ მასში არსება ორი
ამ ქვეყნისა და იმ ქვეყნის იჯდა,
იჯდა ქალი ორ სამყაროს შორის,
ბედშერისხული, თან მშვიდად, დინჯად.
ცაზე არ ჩანდა ღრუბლის ნაფლეთიც,
უცებ მოფრინდა ჩიტი- ბელურა
და კურთხეული პურის ნამცეცი
ფრთხილად აკენკა, თავისებურად.
გაშალა ფრთები ჭიკჭიკ-ჟღურტულით,
თვალს მიეფარა, გასცდა მთა-გორაკს,
საკვირველებავ, ოჰ, სიხარულის
ამ დროს ქალს ცრემლი გადმოუგორდა.
ასე ყოველდღე, ასე დღედაღამ,
ერთი ჟღურტულა, ერთი მდუმარი,
მოდის ის ქალი, მოდის ბელურა,
ერთმანეთისთვის ჭირისუფალნი.



ერთგულეა

იყო ზეიმი, ფერთა ციალი,
ჭიქებში ვაზის აბობოქრება,
ბევრი ღიმილი, ბროლის წკრიალი
და მენდელსონის შემობრძანება.
ამ დროს კი ვგრძნობდი შენს ფარულ ღელვას,
ვხედავდი თვალებს, გახელილს ფართოდ,
თითქოს პირველად გინევდა გავლა,
თითქოს პირველად გტოვებდნენ მარტოს.
ეთხოვებოდი თითქოს ბავშვობას,
იმ შენს ლალსა და იმ შენს საფირონს,
სადღაც, შორიდან, ტკბილად გესმოდა
„ნანა სკუა“ და „გულუაფირო“...
დრომ დაგიამა, დრო თავად მოდის,
გოგონამ მალე აგვიბი მხარი,
გაქალბატონდი, არ მახსოვს, როდის,
როდის გაგვიღე პირველად კარი.
ასე შემოდი, შემოფართქალდი
ჩემს ცხოვრებაში, როგორც ფრინველი,
ორგულობაში ბოლო ვიყავით,
ერთგულეებაში - მხოლოდ პირველი.
მჯერა, ჩვენს შემდეგ ისე ივლიან,
როგორც ვიარეთ მხოლოდ მე და შენ,
თავი არასდროს არ დამიხრია
გარდა შენსა და ღმერთის წინაშე.
ასე ვფარავდით ჩვენს გრძელ მარათონს
ვენთეთ, ვქრებოდით, ვენთეთ თავიდან,
თუ ნათებაა, ერთად ვანათოთ,
და თუ წვა არის, ერთად დავინვათ!!!



...

განყენინე? განა მინდა?
ცუდს არ ვფიქრობ არავითარს,
მკვახე სიტყვა გამიფრინდა,
ლამის შაშვის ჭახჭახითა.
იცოდე, სად ეკალია,
იქ წითელი ვარდიც ხარობს,
შაშვი მუდამ არ ჭახჭახებს,
შაშვი უფრო ტკბილად გალობს...

მთები და ჰატარა გოგონა

ვუძღვნი აზა ქამადაძეს

შეჭხაროდა სხივებს დილის,
მზეს, მთებსა და იალალს,
მთის კალთაში გამოზრდილი
გოგო თეთრი, ცქრიალა.
ზღვას ნატრობდა, ზღვა ისურვა,
ბევრი, ბევრი იარა,
და თეთრ ქალაქს მიაშურა,
გოგომ თეთრმა, ცქრიალამ.
გაკაშკაშდა ნიჭი ბოლოს,
გაიშალა მთლიანად
და გაგვიხდა საპატარძლო
გოგო თეთრი, ცქრიალა.
გოროზი მთის სიყვარული
ზღვის ტალღებს აზიარა,



ზღვა და მთები დაამოყვრა
თეთრმა გოგომ, ცქრიალამ.
ენატრება მთას გოგონა,
მთები გახდა მტირალა,
თუმც ეს სულ სხვა ცრემლებია,
მწუხარების კი არა.
ამაყობენ გოგონათი,
მტირალაც და მცინარაც,
აგვიორთქლა ყველა დარდი.
გოგომ თეთრმა, ცქრიალამ.

შორეული ნაოსნობის კაპიტანს, ზურაბ (ჯონი) პატარაძეს

ვდგავარ და სულგანაბული
გიყურებ, ქცეულს გრანიტად,
თითქმის ერთად ფეხადგმულნი,
ჩემთვისაც დარჩი კაპიტნად.
მოგონებები დაგროვდა,
ანცობა სკოლის სკამიდან,
არ იქნა, ვერ შეგვახვედრა
მოუცლელობამ, კაპიტან!
სიცარიელე, წუხილი,
არ მომასვენებს, ამიტანს,
შეგვძრავდა ჭექა-ქუხილი,
ჯერ არ მეგონა, კაპიტან!
იმ დღეს, ეჰ, გული მიგრძნობდა,
დიდხანს ვიდექი ნაპირთან,



შენთან შეხვედრა მინდოდა,
ვერ მოვასწარი, კაპიტან!
დრომ დამაყარა ქოქოლა,
დრო რა უღმობლად გავიდა,
კიდევ რაღაცის მოყოლა
ვერ მოვასწარი, კაპიტან!
შენს წასვლა-მოსვლას შორეთში
მიჩვეული ვართ თავიდან,
ასე შორს თუ წახვიდოდი,
ჯერ არ მეგონა, კაპიტან!
სითბო, სილაღე, იმედი
მომყვება სკოლის კარიდან,
თუ დაწყდებოდა სიმები,
ჯერ არ მეგონა, კაპიტან!
გაუთავებლად ვინვოდე,
მინდა ორთავეს მაგივრად,
რაღაც-რაღაცა მინდოდეს,
რაღაც მოვასწრო, კაპიტან!
ვდგავარ და სიტყებს მადლობის
მხურვალედ გითვლი აქედან,
იმ დღეებისთვის, ბავშვობის,
იმ დღეებისთვის, კაპიტან!



„იყო და არა იყო რა“

ბევრი ვიშრომეთ, ვიბრძოლეთ,
წლებიც საკმაო გავიდა,
მაგრამ დღეს მინდა ვიცოდე,
რა ხდება, ვინ ვართ, რა გვინდა...
გაუტანლობა დაგვჩემდა,
გაქრა დრო ხმლების ალესვის,
ვიხედებით და ვერ ვხედავთ,
ვუსმენთ და მაინც არ გვესმის.
ასე ყოფნა არ გვარგია,
კინკლაობით და ყბედობით,
ჩანს, გრძნობა დაგვიკარგია
სინანულის და შენდობის.
ვკილავთ ყველას და ყველაფერს,
ლამის დაგვიწყდა ძარღვები,
ამ ახალ პოლიტიკანებს
მომკალი, ველარ გავყვები.
ათას წესსა და სანქციას
ქამრის მოჭერაც დაერთო,
თანაც იმათთვის, ვინც ქამარს
ველარ ატარებს საერთოდ.
რაც გვაქვს, იმას არ ვაფასებთ,
რაც არ გვაქვს, იმას მივტირით,
დრო წარსულს გაგვილამაზებს
სევდანარევი ღიმილით.
ვდგები და იმედიანად
მსურს მკლავი ისევ გავმართო,
იმედი ბოლოს კი არა,
არ მომკვდარიყოს არასდროს!



მოდით და ერთად შევეყაროთ,
კომბლე, ნიქარა, ნიკორა,
და კვლავ თავიდან დავიწყოთ
იყო და არა იყო რა!!!

ქეთი ღოლიქას

იმ ღამით გუგუნს, უჩვეულ ვნებას,
ძლივს აკავებდა ძველი კედლები,
ეს იყო მრავლის მნახველი სცენა,
სცენა თავისი ხიბლით, ცრემლებით.
აქ ინართობოდა სამჭედლო სულის,
დღედაღამ, ჩაუქრობელი ალით,
რომელსაც, რა ვთქვა, ბავშვივით უვლი,
მუხლჩაუხრელი, მებრძოლი ქალი.
ჩვენც შენთან ერთად აქ ვინვით, რათა,
მივაგოთ სნეულს, ობლებს და დედებს,
ვიყოთ მართალნი საკუთარ თავთან,
ჩვენს ამ დახლართულ ცხოვრების გზებზე.
აქ, ამ დარბაზში, ყველანი ერთად,
ვმშვენიერდებით, იმედით ხვალის,
ვგრძნობთ, ო, როგორ ვგრძნობთ, ვით ღვთიურ
ელდას,
ძალას ფაქიზი, მებრძოლი ქალის.
მანც ქალი ხარ, გულს გვეხატები,
მინდა ვიცოდე, ისევ და ისევ -
როგორ თავსდება შენში ამდენი
ერთად სიმტკიცე და სიფაქიზე.



სკოლის სკამიდან თეატრის გმირებს,
გულში ვატარებ, როგორც სალოცავს,
როგორც სიცოცხლის წკრიალა სიმებს,
ქარიშხალში თუ ბავშვის საწოლთან.
სიმშვენიერეს თაყვანი ჩვენგან,
დაე, ზეობდეს ნიჭი ნამდვილი,
ქარში თუ დარში გვხვდებოდეს ყველგან,
ქალი - სიკეთე, ქალი - მანდილი.

თეთრი სიჩუმე

ბათუმი, 2016წ 1 იანვარი

იგი ახალ წელს მოვიდა ღამით,
ისევ გვეწვია მხცოვან ბიჭუნებს,
ქათქათა, ბრძენი, წმინდანი ღამის,
-თეთრი სიჩუმე, თეთრი სიჩუმე.
მოვიდა მოყვრად, როგორც დილის მზე,
მინა ცოდვილი დაფარა თეთრად,
მოვიდა, რათა სუფთა ბილიკზე,
ცხოვრების ჯვარი ვატაროთ ერთად.
სუნთქვა შემიკრა ღამაზმა თოვამ
და სისპეტაკემ მდუმარე თოვლის,
ასეთი განცდა, ასეთი ლტოლვა,
მიგრძნია ნეტა? არ მახსოვს, როდის...
ვმშვიდდები, ვხედავ სურათებს ფერადს,
კეთილ სურვილებს არ უჩანს ბოლო,
დედამინაზე ყოლოდეს ყველას
ასეთი მეკვლე, ასეთი, მხოლოდ.



გელი ყოველ ნელს, გელი ბავშვივით,
როდესაც მოხვალ, შენთან მიგულე,
უცოდველი ხარ, ნორჩის ცრემლივით,
თეთრო სიჩუმევე! თეთრო სიჩუმევე!
როცა მოდიხარ, ასე მგონია,
ხარ ჩემი ლექსიც, ძალაც, სისუსტეც,
რამდენი რამის თხრობა გცოდნია,
თეთრო სიჩუმევე! თეთრო სიჩუმევე!

...

გაქრა ოცნების ლურჯი მირაჟი
და ხიბლი, ვწუხვარ, ქცეული დარდად.
გრძელი წუთები დარში, ავდარში,
ქუჩის ბოლოზე, პატარა სახლთან.
იმ ნანატრ დღეებს გულში ვინახავ
და მეხსომები, თუნდაც სულს ვლევედე,
ვგავარ მრავალჯერ ჩამქრალ ჩირაღდანს,
ცეცხლგამოვლილი, მოსული დღემდე.
გავიგე, მიხმობ, მიგზავნი სითბოს,
მალამოდ მექცა შენი კალამი,
ისევ გამოჩნდა დიდი გზა თითქოს,
თითქოს არ იყო სევდა, ვარამი.
თითქოს გნადია, ახლა გამანდო,
ის, რასაც ჩემი სათქმელიც ჰქვია,
სიყვარულია, ეჰ, სჯობს არასდროს,
არასდროს, ვიდრე, მერწმუნე, გვიან.



...

აღისფრად როცა თენდება,
სიცოცხლე მშვენნიერია,
სიტყვა და კარგის კეთება,
როცა ლექსივით ერთია.
ქება იმ დღეებს იღბლიანს,
და იმ ხვალინდელ იმედებს,
როცა ერთ ცეცხლში ინვიან
აზრი, სიტყვა და სიკეთე.

ჯანსაღი ცხოვრების მოყვარულთ (იუმორით)

ცივ შხაპს რამე შეედრება?
არაფერი ნამდვილად,
დარია თუ გაავდრდება,
თავი გამაქვს ადვილად.
დილით სარბენ ბილიკებზე,
თავად მე ვქმნი პირობებს,
ზღვის ტალღები ლივლივებენ,
საბანაოდ მიხმობენ.
ფეხშიშველა, ბალახ-ბალახ,
დილის სუფთა ჰაერით,
ვიმუხტები, რომ დავძლიო
ჭირი ათასნაირი.
მოგვარება პრობლემების
თავისთავად არ ხდება,



ბოსტნეული ვჭამოთ მეტი,
ერთმანეთი - ნაკლებად.
დავდივარ და თან დამყვება,
ხალისი და იმედი,
ათ მერსედესს მირჩევნია
ერთი ველოსიპედი.
დავდივარ და სამწუხაროდ,
ქუჩა რჩება უცვლელი,
წინ რალაცა მიგოგმანობს,
კაცია თუ მუცელი?
სახლში მოვალ, მიზეზ-მიზეზ,
ქალი მეტყვის შაირებს,
დამშვიდებულ ჩემს სულს ისევ
გამნარ-გააპილპილებს:
„რას დახტიხარ, რას დარბიხარ,
ლამის გადავირევი,
სირბილს ფული რომ მოჰქონდეს,
ვერ გამასწრებს ირემი“
ვიცი, მჯერა, ვერ გაგასწრებს
ირემიც და მერანიც,
და თუ კიდევ ინუნუნებ
ვერ გაგასწრებს ვერავინ.
ვერ არისო, ზოგი იტყვის,
ზოგი იტყვის სხვაგვარად,
კარგად ვიყო, ვიყო იღბლის
და პერანგის ამარა.
ბოლოს, ვინც არ დამიჯერებს
წნევას, თავის ტკივილებს,
„სკლიაროზს“ და ელეთ-მელეთს
ერთ ბუკეტად მიიღებს.



მათი მწამს და მათი მესმის!

ვერ გაგვტეხა შულღმა, ომმა,
ასე იყო, ასე ხდება,
დაცემა და წამოდგომა
მერამდენედ მეორდება...
დევეები და ასფურცელა,
ციჟინა და ყრმათა გვემა
და კვლავ ტკბილი „ოროველა“
მერამდენედ მეორდება.
ვნუხვარ, ისევ გაჩნდა დარდი,
დარდი ყველგან, გარეთ, სახლში,
ნადრევად ჭკნება ვარდი
ყვავილების ქვეყანაში.
დიდ კონტინენტს ვუნვდით ხელებს,
ხსნას გაღმიდან ელის ერი,
იქნებ ჩვენც გვყავს ჩვენი პეღე
და კეთილი როკფელერი?..
გავიარეთ ო, რა გზები,
ცა ინვოდა, მინა ტოკდა,
მაჩაბლები, ცოტნეები
ისევ დგანან რუბიკონთან.
დგანან, მოვლენ, მალე მოვლენ,
დაულამდათ, იქნებ, გზაში,
ამისთანებს რა გამოლევს
ამ ღვთის-წილხვედრ ქვეყანაში.
ვეგებები ცისკრის ნიავს
ჩემი მუზით, ჩემი კალმით,
აგერ, ეძებს ადამიანს
ქუჩა-ქუჩა ბრძენი ლამპით.



და იპოვის, მოვა უამი,
მათი მწამს და მათი მესმის -
მკერდდაფლეთილ ამირანის
და ქართველი ოდისევსის!

„ესეც ასეო“

ქართველი კაცი ბრძოლის წინ მტერთან,
ცას ახედავდა: „ღმერთი ვახსენოთ“,
და ყოველი ხმლის დაკვრასთან ერთად
თან დასძახებდა „ესეც ასეო“!
„ესეც ასეო“ - ყველას მიეზღოს,
„ესეც ასეო“ - ორგულს და გამცემს,
ეს ორი სიტყვა დაფრინავს თითქოს
მშვიდობისა და იმედის მაცნედ.
როცა გაივლი შიშველი ფეხით
ცვარიან მინდორს, ჩრდილს თუ სამზეოს,
ყურს მოკრავ ვაზთან ჩაცუცქულ გლეხის
სიმღერასავით „ესეც ასეო“,
მივალ მშენებარ ეკლესიასთან,
ხალხს შევერევი ჯარად დასეულს,
თუნდაც ერთ აგურს, მაცხოვრის თავთან
მეც დავდებ შვებით „ესეც ასეო“
დღეს შვილიშვილებს ვენუკვი, ვეტრფი,
უფლის საჩუქარს, უცვლელს, ფასეულს,
ესაა ჩემი ხატიც და კერპიც,
“ესეც ასეო”, “ესეც ასეო”!



ცხოვრებას, კითხვის ამ ნიშნად დასმულს,
ვებრძვით, სანამ ვართ, სანამ ვარსებობთ,
და იქ, სიცოცხლის ბოლოში გასულს,
ჩვენც დაგვეძახოს: „ესეც ასეო“!

•••

შენი ღიმილი ცისკარს მაგონებს,
მზერა-ლივლივა ზღვას,
კვლავ გადავივლი პირქუშ მთა-გორებს,
გავალ კლდესა და წყალს.
მოვალ, დაგხედავ დილით, მძინარეს,
როგორც უმანკო ბავშვს,
შენი ლამაზი სუნთქვით ვიხარებ,
გავიხანგრძლივებ წამს.
ბოლოს გავქრები, როგორც სიზმარი,
მივეფარები თვალს,
შორიდან ლოცვას გამოგიგზავნი ,
რისხვას - მტერსა და ავს!
ვიცი, ჩვენს ბაღში ისევ იდარებს,
ტრფობას გავუღებ კარს,
მანამ კი იმ შენს სუნთქვას ვიკმარებ
და იმ ბედნიერ წამს...



გიორგი შაქარაშვილის ხსოვნას!

წუთისოფელი, ნეტა ვიცოდე,
როდის გვიმუხთლებს, მოგვიყრის ღრუბლებს,
როდის წაიღებს ბიჭის სიცოცხლეს,
წაიღებს, მოწყვეტს მშობლების უბეს.
წაკინკლავება იქცა ომებად,
უბრალო დავა-პირისპირ დგომად,
რამ დაგვიბინდა ასე გონება,
წუთუ, არ გვეყო მწუხრი და გლოვა?!
შური შემოდის რკინის კარიდან,
ცოდვებით სავსე დადის და დადის,
ბუმერანგიც, ო, ვწუხვარ, დამძიმდა,
ვეღარ პოულობს წინანდელ ადგილს.
მონმენდილ ცაზე ქექა-ქუხილი,
„მომმის“ ისარი და ხმა განწირვის,
მინას გართხმული, ფრთამოტეხილი,
მარტო იბრძოდა ვაჟას არწივი.
ეჰ, იმ მძიმე წუთს რად არ მოვედით,
რად ვერ შევძელით შენს გვერდით დგომა,
რად ვერ გავფანტეთ ბინძურ მტვერივით,
პირსისხლიანი ორფეხა ხროვა.
დე, რაინდობა ისევ ზეობდეს,
შენს ვაჟკაცობას ვაქებთ, ვაფასებთ,
შენი სიკვდილით, ერთმა აჯობე
ცოცხლად დარჩენილ ასს და ათასებს!!!

20.07.2020



ჩემს დას, ლალის!

თავს ვუხრით ყველა სულგანაბულნი,
შენს გაუხუნარ ქალურ სინაზეს,
დე, დიდხანს გეველოს წელგამართული
ამ ღვთით დალოცვილ, ქართულ მინაზე.
დაგჩემდა, ჭირი გაიყო სხვების,
დაუკაკუნო მოძმეს კარებზე,
თან, დახუნძლული როგორი წლებით,
სასწაულია ყველგან ასწრებდე!
ნუ გვიკვირს, როცა მზადა ხარ ასე,
თავი გადადო, იყო კეთილი,
სწორედ ამიტომ მიყვები ტალღებს
დინჯად, ამაყად, თეთრი გედივით.
სწორედ ამიტომ წიგნის გვერდიდან
გადმოსული ხარ, ჩვენს შორის მდგარი,
მთა-გადმოვლილი, ოდნავ დაღლილი,
დედა, აღმზრდელი, უბრალოდ ქალი.
არ მოგვეშალოს კიდევ დიდი ხნით,
შენი ხელების თეთრად ქათქათი,
შენი ბუზლუნი, შენი ღიმილი,
შენი ჩალხი და შენი ლაზათი.



უპილიუპილს

ჩემი სამყარო ბორბალს მაგონებს,
ბორბალს, გიგანტურს და ზეიმს ფერთა,
სადღაც მიყვავართ ცისფერ ვაგონებს
ამ დედამიწის ბრუნვასთან ერთად.
ლტოლვა, ძიება, ჩვენს ჯიშს და მოდგმას,
რამდენჯერ, როგორც სიკეთის მისანს,
გზად დაუგდია დარდი და შფოთვა
ცაში გატყორცნილ ოცნების ისარს.
ფრთები შეგსხმოდეს შემოკრულ ზარზე,
მხარი აებას უცნობს და ნაცნობს,
და შენც გაგედოს კომბალი მხარზე,
გზას გასდგომოდე, პატარა კაცო!



გამზრდელები

ზოგი სიკეთეს დებს ქვაზე,
ზოგი კი გესლს ასპიტივით,
ყველას წინ დაგვხვდება გზაზე,
სანამ ვცოცხლობთ, სანამ ვივლით...
ზოგი, ვაითუ, გაიყიდა,
არ ასცდება, როგორც წესი,
ხევისბერის ხანჯალი და
ხელი-რისხვა ფალკონესი.
სიყვარულით გათანგული,
ამ მინაში ასვენია,
ცხრა ძმის დედის ცხელი გული,
და იმ მოძღვრის ცხელი ტყვიაც.
ამ მინაში განისვენებს,
როგორც ერთი დიდი სევდა,
ერთმანეთის წმენდნენ ცრემლებს
მოყმის დედა, ვეფხვის დედა!
გვიგლოვია, გვიმღერია,
ცხრაც ვიყავით და ათასიც,
ამიტომაც გვიწერია
უკვდავება პაატასი.
და ასე, დასაბამიდან,
პირქუშნი, თან ამაყები,
მოყვებოდნენ ქართულ მინას
ვალმოხდილი გამზრდელები.
ვერ წალეკავს მათ ჯიშს, რჯულსა,
ვერც ზღვის ტალღა, ვერც ცის თქეში,
ცეცხლის კვამლში გახვეულს და
გამეხებულს, ხანჯლით ხელში!



დამოუკიდებელი საქართველოს პირველ მსოფლიო ჩემპიონს ბარკნულ-რომაულ ჭიღამოვაში, მუხრან ვახტანგბაძეს

ბრძოლით და ცხელი გულებით
დიდხანს ველოდით, გვეღირსა,
ო, რა ამყად ვუსმენდით,
ჰიმნს თავისუფალ ქვეყნისა!
იქ, ჩვენი დროის ამირანს,
ჯვრიანი დროშა გფარავდა,
სამყარომ კარი გაგიხსნა
ახალი ქვეყნის ფალავანს.
ჩვენ მაშინ ერთად ვიდექით,
ის ტალღაც მაშინ დაიძრა,
მას მერე, რიხით, იმედით
იმ ახალ გზებზე დავდივართ.
შენში, ერთ კაცში, არ ვიცი,
როგორ თავსდება ამდენი -
იყო ყოველთვის რაინდი,
იყო ყველასთვის თავმდები.
როგორ თავსდება ღვთიური,
ხათრი, მოთმენა, ლოდინი,
და ძალა ფანტასტიური,
მთას მონყვეტილი ლოდევით.
და ვერ იქნები სხვაგვარი,
მადლი ამ ცას და ამ მიწას,
მთებმა დაგირწეს აკვანი
ამ მთებში გაზრდილ ყმანვილკაცს.
გამარჯვებებით გვეხაროს,
და სხვა რა უნდა მენატრა,
ძალა ხანდახან გეხმაროს,
სიკეთე გენთოს კელაპტრად.

2001 წ 25 დეკემბერი



ისტორიის მეტამორფოზები

ამპარტავნებად გვაქცია ცოდნამ,
ჭკუა გვატარებს მოკეთის ნიღბით,
ვგრძნობთ, ვფიქრობთ, ვუსმენთ ძალიან ცოტას,
ვსაუბრობთ ბევრს და ჩვეული რიხით.
ასე თუ ისე, სკამი მოვირგეთ,
არ უჩანს ბოლო ბოლმას, ბალაგანს,
რაც მეტ, ასე ვთქვათ, კამათს მოვიგებთ,
მით მეტ, გარწმუნებთ, მოყვასს დავკარგავთ.
გადავეჩვიეთ ზრუნვით, ფერებით
ერთმანეთისთვის ხელის გამართვას,
თითქოს დამთმობნი, მომრიგებლები,
საღდაც წყალგალმა ვეძებთ სამართალს.
ხომ იყო ჩვენში ერთობა ოდეს,
იმ გმირთა სულებს უფალს ვავედრებ,
მცხუნვარე მზეზე გართხმული ცოტნე,
სიკვდილის მძლევი მეფე დემეტრე.
ხომ იყო დიდი ფიცის დადება,
სიყვარულისთვის ლოცვა საყდარში,
დაუფიქრებლად სისხლის გაღება,
ასე მოვედით, ასე გადავრჩით.
როგორ არ იყო, როგორ არ გვყავდა,
მეგობრობის და ერთობის ბურჯი,
დაბადებულნი ზღაპრად, არაკად,
-ფარნავაზი და ყმანვილი ქუჯი.
რაც მოდგმა გაჩნდა, სულ იყო ომი,
მაგრამ ის ბრძოლა სხვა ომს მაგონებს,
მხარდამხარ ორი მოსისხლე ტომი,
როგორ შეებნენ კონკისტადორებს.



გვიყვარდეს მუდამ კარგის კეთება,
გვიყვარდეს ზოგჯერ „ჯიუტი“ სარკეც,
ილიას თბილი რჩევა-ვედრება,
გახსოვთ? „აბა, მე
დღეს ვის რა ვარგე?“

განსაცდელი

მოდის, როცა სულ არ ელი,
სნეულებამ იძალა,
ჩანს, უფალმა განსაცდელი
ისევ გამომიგზავნა.
ვნევიარ, გხედავ, ჩემთან დგები,
სიხარული აგორდა,
მახსოვს, ასე ათენებდი
ღამეს ბავშვის სანოლთან.
დამიმძიმდა ეს თვალები,
წავთვლიმე ეს წუთია,
ვგრძნობ, რალაცას მეკითხები,
თურმე, დამიკუთია.
ახლოსა ხარ, ვგრძნობ, მეხები
მაგ მთრთოლვარე თითებით,
ცოცხლობ ჩემი გულის ცემით,
გესმის ჩემი ფიქრები.
შავი ღამე, თეთრი ძილი
ბორგავს, შფოთავს, მძიმდება,
მაგრამ შენთან ერთად, დილით,
სიცოცხლე კვლავ იწყება.



თითქოს ციდან ჩამოდიხარ,
დამკანკალებ მწოლიარეს,
რა ძალა ხარ, რა ყოფილხარ,
თურმე, სულ არ მცოდნია.
და რატომღაც სულ მეგონე
აზიზი და თავნება,
ო, რა საოცრად გიხდება
ერთგულების ტარება.
ვხედავ, გაღმა მწვანე ნაპირს,
ეს ახალი გზებია,
საწუნუნო ნეტა რა მჭირს,
მართლაც გამკვირვებია,
მე რა მომკლავს ამის შემდეგ,
მზე ჩემთვისაც ანათებს,
შენთან ერთად, მზად ვარ შევხვდე
თუნდ მილიონ განსაცდელს.
მჯერა, მალე ეს თვითგვემა,
ეს ბურანიც გაივლის,
ჩვენს ფანჯრებშიც დაიფრქვევა
სურნელება მაისის.
მე ხომ ჯერ არ გამიშლია,
მწვერვალს ბოლო კარავი,
ვეტრფი მზეს და ქარის შრიალს,
როგორც არსად, არავინ...



ასანთის აღსარება

პოეტ მიხეილ ქვლივიძის ხსოვნას

წვავდნენ ერთთავად ბილწს თუ უბინოს,
წვავდნენ ჯორდანოს, წვავდნენ სიმართლეს,
და, მაინც, ცამდე ასულ ცოდვის დროს,
გვირაბის ბოლოს ჩანდა სინათლე.
გვახრჩობდა დელგმა, სიცხე, სიცივე,
ბრძოლით, სიმართლით გაკვალულ გზებზე,
დღეს მე იმიტომ ვხედავ სივრცეებს,
ვდგავარ კვლავ ჩემი წინაპრის მხრებზე.
სინათლე, სითბო, ჩვენს გახსნილ ფანჯრებს,
გმობა და წყრომა ცრუსა და მკრეხელს.
სჯობს დავიფერფლო კოცონში ასჯერ,
ვიდრე სირცხვილით დავინვა ერთხელ.
ვფიცავ, არ ვმდგარვარ სატანის გვერდით,
დაე, ცოდვისგან ღმერთი მფარავდეს,
თუმც გავიარე წვა არაერთი,
დიდ პრომეთედან დღემდე, აქამდე.
ჩემზე ამბობენ, რომ არა თავი,
მე დასაწვავი ნეტა რა მჭირდა?
შეუმჩნეველი, პატარა კაცი
ვიყავი ჩემთვის, მეტი რა მინდა...
თუმცა, ჩანს, ასე ბედი არ მტოვებს,
მეამაყება ჯარისკაცობა,
ვინვი ბოლომდე, მაგრამ თან ვტოვებ
სითბოს, სიკეთეს, კაცურ კაცობას!!!



საბაზაფხულო სადღეობრილო

ამქვეყნად, ამ წუთისოფლის
წარმავლობის არ მჯერა,
სანამ მუზა თავად მოდის,
სანამ მიჭრის მარჯვენა.
სანამ თქვენთან ვდგავარ გულით
და ამ სავსე ფიალით,
სანამ მატკობს გაზაფხული
ვარსკვლავების ციალი.
სანამ მატკობს, ალამაზებს,
ცას მზე,სუფრას მარილი,
და ნაზამთრევს, ჯანით მავსებს
უშიშარი აპრილი.
მეგობართან შესახვედრად
გაუშლია მკლავები,
მაისი კი კართან ხვდება
თეთრ-წითელა ვარდებით.
არ მოგეშლოდეს დიდხანს, დიდხანს,
აისიც და დაისიც,
აღმაფრენა აპრილის და
სილამაზე მაისის.
ამხდარიყოს ის, რაც გვინდა
დღეს, ხვალაც და გაისად,
გვაცოცხლებდეს აპრილი და
ფრთა შეგვასხას მაისმა.
მოდის, ერთად ავყვეთ გოლგოთს,
თან, შევავსოთ სასმისი,
ერთად ვიყოთ მუდამ, როგორც
აპრილი და მაისი!



ჩიტები და ქარი

ერთმანეთში ირეოდა
იმ დღეს გლოვის ზარი,
მოფუსფუსე ჩიტები და
მოზუზუნე ქარი.
ჩახვეოდა ახალ საფლავს,
თაიგული ვარდის,
ქარს გაჰქონდა ამ დროს, სადღაც,
ცოდვა, ურვა, დარდი.
სიცოცხლეშიც ასე ხდება
-ქარს ვატანდით სევდას,
არ ლალატობს ერთგულებას
ქარი იქაც, ყველგან.
ჩიტები კი, მაღლივ გორზე,
ჭიკჭიკით და სტვენით,
მოუხმობდნენ ანგელოზებს
ჯადოსნური ხმებით.
ამობრწყინდა ცის ტატნობზე,
ოქროსფერი ბურთი,
ეს მოქროდა ქარის მხრებზე
ანგელოზთა გუნდი.
და გაიღო ზარ-ზეიმით
ცად სამოთხის კარი,
გვაცვილებდეს იქით მერე,
ჩიტები და ქარი.



მე და ზღვა

ეს სიყვარული აკვნიდან მომდევს
და დამიჯერე, ასეთად დავრჩი,
ასე მგონია წარსულში ოდეს,
ამ ქვეყნად, ერთად, მე და შენ გავჩნდით.
შენს ცისფერ ტალღებს ვარ მიჩვეული,
მე ხომ, მეც, შენი ერთი წვეთი ვარ,
მოვდივარ შენთან, როგორც სნეული,
მხვდები მეგობრად, მხსნელად, ექიმად.
სიცოცხლის გზებზე ცეცხლთან თამაშში
გული ბორგავდა, სული ღელავდა
და წყნარ ნაპირთან, როგორც საყდარში
ისევ ვმშვიდდები, როცა შენთან ვარ.
შენთან, ო, როგორ ვგრძნობ ამ ცხოვრებას
— კაემანს ღამის, სიმხნევს დილის,
მაგ ტალღებივით მონაცვლეობას,
ტკბილის და მწარის, მწარის და ტკბილის.
გამჭვირვალე ხარ, როგორც სიმართლე,
თავისუფალი, როგორც თოლია,
თავისუფლება შენგან ვისწავლე,
უშენოდ წუთიც არ მიცხოვრია.
მინდა ვუსმენდე შენს შრიალს მარად,
შენი პატარა ერთი ძმობილი,
ხან მდელოსავით ლივლივებ წყნარად,
ხან ფაფარაყრილ ღელავ ლომივით.
მუდამ არნახულ ძალით გვავესებდი,
ხშირად განუხებთ? არ გაგვიბრაზდე,
როგორ ახერხებ იყო ასეთი
- თანაც წყნარი და თანაც მრისხანე.
დიდი ღამიდან, ნათლისღებისა,
როცა ერთ ციციქნა უცოდველს ვგავდი,
მომყვება ძალა, სიბრძნე ღმერთისა
და შენი უხვი მარილის მადლი...



ბ-ნ აკაკი პერიძეს, მისი 80 წლის იუბილესთან დაკავშირებით

დრო მიდის და მაღლა-მაღლა ადიხარ,
გრჩება მაღლი, გაბნეული ნაპირზე,
დასტაქარო! ძველებურად დადიხარ
ორ სამყაროს შორის გაბმულ ბაგირზე.
სიკვდილისთვის ბევრჯერ ჩაგიხედა
ჯიქურ, ფართოდ გახელილი თვალებით,
ამიტომ, აქ, სიცოცხლეზე მღერიან,
სიკვდილისთვის ჩარაზული კარებით.
იმ მძიმე დღეს ორჯერ მეტად ვილოცებ,
გული გიწევს, არ გიტოვებს არჩევანს,
იმ დღეს კვდება ორი შენი სიცოცხლე
სხვისი ერთის, ერთის გადასარჩენად...
განთიადი კვლავ ზეიმობს ბნელეთზე,
ბოროტება, დაე, კუპრში ინვოდეს,
კვლავ იღვრება მაღლი ოქროს ხელებზე,
ჰიპოკრატე ცოცხალია, იცოდე!
ფრთა შეესხას შენთვის წლების სიმრავლეს,
შორს ყველასგან თვალთმაქცობა, ლალატი,
გამშვენებდეს კიდევ დიდხანს, მრავალ წელს
განუყრელი შენი თეთრი ხალათი!

2019 წ



...

ვერაგი სენი გვიტევს და გვიტევს,
ცდილობს მზაკვრულად დაგვრიოს ხელი,
თუმცა, არ არსებობს მერწმუნეთ, მენდეთ,
ავადმყოფობა მოურჩენელი.
განიკურნება ის სენიც ბოლოს,
გაქრება შიში, სევდა ფარული,
არ იკურნება ამქვეყნად მხოლოდ
სიკეთე, სითბო და სიყვარული.

2020 წ

თეთრი ხალათი

გმირ მედიკოსებს ვუძღვნი

რამდენმა ომმა გადაგვიარა,
გადაგვივლია კლდე და ქარაფი,
დაჰკანკალებდა რამდენ იარას,
თეთრი ხალათი, თეთრი ხალათი.
ლამის გაჩერდა ლურჯი სამყარო,
ვით ზეციური ჰანო, ნახატი,
და კიდით კიდე, როგორც არასდროს,
დაფრინავს მხოლოდ თეთრი ხალათი.
გულში მახვილი ყოველ ბაცილას!
დე,იზეიმოს გარჯამ, ხალასმა,
ვინ იცის, რამდენჯერ აგვაცილა
მწუხრი და ჭირი, თეთრმა ხალათმა...



მსოფლიო მაშინ შესძრა ომის ხმამ,
და დავუდექით მამულს დარაჯად,
ჯარისკაცისათვის ადგა, მოისხა
თეთრმა ხალათმაც, შავი ფარაჯა.
წარსულს ჩაბარდა შიში
და დარდი,
დგება სიმშვიდე, სითბო, ხალვათი,
ისევ იმ მზით და იმედით დადის
ყველგან, ყველასთან თეთრი ხალათი.
ისაა ჩვენი წყაროს წყლის მოსმა
და სიხარულის სხივი სახეზე,
დილიდან მისი ყოველი მოსვლა,
გამარჯვებაა დილის ღამეზე.
დადის და მიკვირს, მემამაყება,
როგორ ატარებს, მტრების ჯინაზე,
ერთად გმირობას, თავგადადებას,
და მარადიულ ქალის სინაზეს.
დაღლილი, ხშირად მთვლემარი ზეზე,
სულ გვეხსომები შენ, უღალატო,
თვალთ უხილავ ნაღმების ველზე
მოსიარულე,
თეთრო ხალათო!
გვახალისებდეს ყოველი წუთი,
მადლი გვფარავდეს კვლავ და მარადის,
-ზეცაში თეთრი მტრედების გუნდი,
მინაზე წმინდა, თეთრი ხალათი.

5/05/2020 წ.



ლალატი

*„ჩემი ყველაზე კარგი მეგობარი
ჩემი სარკეა, როცა მე ვტირი,
ის არასდროს იცინის“ - ჩარლი ჩაპლინი*

გამომეცალა თითქოს საყრდენი,
ამ ჩემს საფიცარ, ლამაზ მიწაზე,
და გაიფანტა უცებ ამდენი,
ის, რაც ვინამე, ის რაც ვინამე.
გაუტანლობა არახალია,
ლალატთან ერთად, ალბათ, ჩვენც გავჩნდით,
მაგრამ ბუნებას არ უსწავლია,
როგორ ვებრძოლო ბრუტუსის აჩრდილს.
ცხოვრების გზებზე ბევრი ვიარე,
რა ვთქვა და, ბევრიც მივედ-მოვედე,
ზევით ავდივარ, ვხვდები ვინა ვარ,
ქვევით, ვინაა ჩემი მოკეთე.
გინილადებდი ერთობ, გულუხვად,
სანუკვარ ფიქრებს, სანუკვარ აზრებს,
როგორც საყვარელ და ტკბილ ულუფას,
ზურგჩანთით, მთაში მიმავალ გზაზე.
ის ნუთი ჰგავდა თოფის გავარდნას,
ლალატის ექო გასცდა ტრამალებს,
გული მატკინე მაშინ, არადა,
მანც მადლობა - რალაც მასწავლე.
ამქვეყნად უფრო მეტი დავკარგე,
თუმც, მზად ვარ ვენდო ერთსაც და ათასს,
მინდა, ბოლომდე არ გამოვაკლდე
ამ ნუთისოფლის აზარტულ თამაშს.
ვნუხვარ, დაგჩემდა ცქერა ზემოდან,
აღარც მოყვრობა, აღარც მირონი,



გახსოვს? შენ მაშინ გელიმებოდა,
როცა ვტიროდი, როცა ვტიროდი.
ასჯერ გაზომე, ერთხელ გაჭერი,
გვეუბნებოდნენ დასაბამიდან,
როცა გავზომე, როცა გავჭერი,
დროც გაილია, გაქრა, წავიდა.
არასდროს ვეძებ რალაც ელექსირს,
ვარ და ვიქნები მუდამ მიმნდობი,
იარე, ძმაო, შენთვის, შენი გზით,
მე კი ჩემი გზით, კარგად! მშვიდობით!

არა, არ მიყვარს დამშვიდობება

არ დაიდარდო, ცრემლი მერევა,
არ დაიდარდო ჩემზე ფიქრებით,
არა, არ მიყვარს დამშვიდობება,
დაგიბრუნდები, მოვალ, გპირდები!
ვიხსენებ იმ შენს ცრემლნარევ ამბორს,
იყო სიზმარი, იყო ზღაპარი,
შენი ხმა მესმის, შენი ხმა მათბობს,
ხმა საოცარი, ხმა ჯადოქარი.

სანამ სიცოცხლე კიდევ მახარებს,
სანამ მახარებს ჩემი მთა-ბარი,
ეს ხმა მათბობდეს, ეს ხმა მატკობდეს,
როგორც სიზმარი, როგორც ზღაპარი.
ვიცი, დარდი მეც ამიგორდება,
დარჩენილ დღეებს უფალს ვავედრებ,
არა, არ მიყვარს დამშვიდობება,
გზა დაელოცოს ყველა შეხვედრებს!



აღმავრენა

კვლავ მახარებს ჩემი ზეცა,
მწვერვლებზე სწორება,
ისევ ვხვდები პირველ მერცხალს
და მზის ამოგორებას.
ვარ ის, რასაც ღმერთი მაძლევს
და ბუნებას მაძლობა!
აღვის ხეებს, მწვანე ნაძვებს
და ფრინველის გალობას.
მე ვარ ყველგან, კიდიტ-კიდე,
ყველგან გზების საყარზე,
სიცოცხლე სულ სხვაა, ვიდრე
თვე და წელი ქალაღზე.
ვიდრე მძიმე მაგიდები,
მუცლის დამრგვალებამდე,
აბები და ბურთულები,
ჭამისას თუ ჭამამდე.
ვიდრე მედროვეთა ცვენა,
ჯინჯილების ტარება,
უსასრულო ბოლთის ცემა,
იმ მედროვის კარებთან.
ვიდრე გართობა და ცეკვა,
ცეკვა პურის მაგივრად,
„მომხიზვლელი“ ჰიპოთეკა
შემოსილი ვარდისფრად.
თუმცა, ყველა ვართ ამ ცისა,
ყველას ღმერთი გვფარავდეს,
მე კი, ჩავრთავ დროს და ისარს,
და დავითვლი სამამდე...
თამასა კვლავ აინია,



ვირბენ, კი არ ვიცოცებ,
ის, რაც უფალს მოუცია,
არ დაკარგო, იცოდე.
ლალატის და სილის გარდა,
მერამდენედ დავინვი,
და სიცოცხლე ისევ აღდგა,
სიყვარულმა რომ იცის.
თუმცა, ხდება, ბოლმა მომდის,
შურის ჭია დაცოცავს,
მაგრამ, სიკეთე გამომდის,
მე ყოველთვის, რატომღაც.

რობორც ლოტოსი

მშობლებს მაძღს ვუძღვნი ხშირად აქედან,
პატიოსნება წინ სანთლად ენთოთ,
მუდამ მათობოდეს მათი სახე და
მათი სიკეთე - ამას გთხოვ, ღმერთო!
დედის ტვირთი და დედის ამაგი,
ჯერ ვერავის ვერ აუნონია,
ვიქცეთ კელაპტრად, გავცეთ ათმაგი,
მივაგებთ ვითომ? არა მგონია.
იქნებ ტანჯვისგან დამენვას მკერდი,
ვინ იცის, რა არ დაგებედება,
იქნებ გაცივდეს მშობელი დედის
დადევენებული ლოცვა-ვედრება.
იქნებ, სატანამ მაცდური ხმითა,
შემაცვლევინოს ნირი და ფერი,
ლოტოსით სავსე ამღვრეულ ტბიდან,
გამომინოდოს ეშმაკმა ხელი.



წინ დამიდგება დედის ნუგეში,
არ გავიკარებ ფლიდობას გულთან,
გავსხვივოსნდები, თუნდაც ნუმპეში,
როგორც ლოტოსი, დიდი და სუფთა.

მელანქოლია

დიდხანს ვიარე ეკლიან გზაზე,
ცხოვრება ახლაც მისინჯავს მაჯას,
ვაითუ, რულმა გადამკრა თვალზე,
ვერ გავექცევი ბრუტუსის ხანჯალს,
ვერ გავექეცი ამ თვალთმაქცობას,
ღალატის შიში დამყვება ლანდად,
და ჩემი სიტყვა, ჩემი კაცობა,
ვიღაც-ვიღაცის სამსჯავრო გახდა.
ქართული სუფრაც წარსულს ჩაბარდა,
მჭევრმეტყველება იქცა ყბედობად,
გვერდზე ჩუმად ზის ბრძენი თამადა,
აღარც წესრიგი, აღარც ზნეობა.
აღარ ჩანს, უკვე, არ დააბიჯებს
ქურაში კაცი, დარბაისელი,
თაყვანი ჩვენგან იმ ძველ რაინდებს
და კვალს კაცობის, ნდობის, ღირსების.
იმ წლებში, როცა ბავშვი ვიყავი,
ცხენზე შემჯდარი, ცისფერ ზღაპრებში,
ვიცოდი, საით წავსულიყავი,
გზაჯვარედინზე, უცხო მხარეში.
დღეს, იმ ძველ სიბრძნეს არა აქვს ფასი,
გაურკვევლობა ბორკილებს მიგებს,
ტაძრის გზას, ვწუხვარ, დაედო ხავსი,
გზაგასაყარზე სანამდე ვიდგე?...



რალაც უნდა გითხრა

მზე ღიმილით ათბობს კალთას
ნაზამთრევი მთების,
შენც გამათბე, შენც, პატარავ,
შენი გაღიმებით.
სკოლის ნათელ დღეებიდან,
არ ხუნდება, არა,
შენი თეთრი საყელო და
შენი ლურჯი კაბა.
გახსოვს? იმ ჩემს ბავშვურ ვნებებს,
ვერ გიმხელდი დიდხანს,
და რვეულში ჩაგინერე
-რალაც უნდა გითხრა...
როს ვფურცლავდით, გახსოვს, ანბანს?
ვხსნიდით ფერად ნიგნებს,
რატომ გულს არ მიხსნი, ალბათ,
პატარა ხარ ისევ.
ნუ მეტყვი კის, და ნურც არას
დე გაგრძელდეს ასე,
რომ ვიარო მშვიდად, წყნარად,
ოცნებებით სავსემ.
თავი მივცე მოგონებებს,
მესმის სკოლის ზარი,
მოვეფერო მწვანე ხეებს,
სკოლის წინ რომ არის.
თან შორსა ხარ ჩემგან, სადღაც,
თან ჩემს გულში ზიხარ,
ვერ ვპოულობ სიტყვებს ახლაც,
„რალაც უნდა გითხრა“.
დამიკარგა მოსვენება,
ისევ შენზე ფიქრმა,



ნეტა კიდევ გელიმება?
„რალაც უნდა გითხრა“.
შენზე ზრუნვა დამებედოს,
ჩემთვის გაჩნდი იღბლად,
სამი სიტყვა სულ წინ მედო,
„რალაც უნდა გითხრა“.
ის ბავშვობა, იმ ცის სიო,
ვნახო, თუნდაც სიზმრად,
ერთხელ კიდევ დაგანიო
- რალაც უნდა გითხრა...

მუხრან ვახტანგაძის სახელობის ბათუმის სპორტის სასახლის კოლექტივს!

*„ცხოვრება მთასავითაა, ადიხარ ნელა,
ჩამოდიხარ სწრაფად“*

ისევ ისმის საოცნებო ზარები,
გულს ახარებს კლვავ მზის ამობრწყინება,
თქვენ, პირველებს, გაგაქვთ მძლავრი მკლავებით,
ქვეყნის გარეთ ჩვენი ქვეყნის დიდება!
ჰგავდეს სლალომს სიცოცხლე წარმავალი,
ხან ქარიშხლით, ხან მზის მწველი სხივებით
თავს გიხრიდეთ გზად ათასი ალამი,
ქარს გაჰქონდეს დამთრგუნველი ფიქრები.
არ მოგშლოდეთ ღვთის მადლი და წყალობა,
ანათემა ყველა ფლიდს და მედროვეს!
გაგეზარდოთ ღირსეული თაობა,
სხეულის და სულის არ ქ ი ტ ე ქ ო რ ე ბ ს!

25/04/2019



საახალწლო

*ქართული სპორტის დიდ მოამბავეს,
ირმა ნიჟარაძეს*

შენ ხარ აქ ჩვენი ვარდიც და რკინაც,
იმ ქართველ ქალთა გვარი და სახე,
მტერს როცა მედგრად ებრძოდნენ წინათ,
დღეს - დიდი სპორტის მეზაირაღე.
წინამძღოლობა გარგუნა ღმერთმა,
გვახარებს, როცა თავს იყრის შენში,
ნამდვილ ვაჟკაცობასთან ერთად
სიხალისე და ქალური ეშხი.
დიდება, წინსვლა შენს სპორტულ ოჯახს,
დიდი გუნდი ხართ პატარა ერში,
გამარჯვებების ელავდეს დროშა,
ასე მტკიცედ რომ გიჭირავს ხელში!

28/12/2022



ჯერ იყო სიტყვა

ჯერ იყო სიტყვა, მუსიკა ფერთა,
მუსიკა აზრის, სევდის და ტრფობის
და სიყვარულმა გვაჩუქა ერთად
ეს ყველაფერი, ვინ იცის, როდის...
როდის დავმძიმდით პირველად ცოდვით,
როდის აჟღერდა ეს სიტყვა „დედა“
როდის ჩაესკვნა ერთმანეთს, როდის,
სევდა და ტრფობა, ტრფობა და სევდა.
მინდა სულ იყო ასეთი ნორჩი,
მინდა გიქცერო ცქრიალას, მზიანს,
თუმც ვერ ვეტევი პატარა დროში,
დროში, რომელსაც სიცოცხლე ჰქვია.
ეს დროც გაივლის, გაივლის წლები,
გაქრება სოფლის უკუღმართობა,
ბოლოსდაბოლოს, ეჰ, მეც გავქრები,
დარჩება სიტყვა, სევდა და ტრფობა.

„ქარის მოტანილს ქარი წაიღებს“

მოვა უთუოდ, ადრე თუ გვიან
ამხედრებული დარახტულ რაშზე,
ველარ მოიხმარ ქარაგმებს, ფრთიანს,
შეგიცვლის იერს, შეგიცვლის აზრებს.
თავს დაგადგება ერთ მზიან დილით,
როგორც ეგერი, ჩირგვში მჯდომ კურდღელს,
ლამის ეძებდე გასაქცევ ბილიკს,
ლამის ეძებდე მეხუთე კუთხეს.



მოვა და კართან მუშტებს მოგიშვერს,
შემოვა, შემოიჭრება ჯიქურ,
რომ ვერ ეტევი დღეს იმ ქოლგის ქვეშ,
ნატვრად გაგიხდის მარჩენალ ჯიხურს.
მოვა, აგირევეს დროს და თარიღებს,
არხეინად მყოფს, აგირევეს დავთარს,
ქარის მოტანილს, ქარი წაიღებს,
მერწმუნე, ვერც კი მოასწრებ დათვლას.
ამიტომ, შეხვდი უფალს და გამჩენს,
დედიშობილა, როგორც მოხვედი,
რომ სინანულის გრამიც არ დარჩეს,
იმ მძიმე წუთის, უკან მოხედვის.

აუხდენელი ოცნება

დღეები მირბის, მიაქვს ცოდვები,
მიაქვს წუხილი, სიტკბო, ღალატი,
მე კი რალაცას სულ ველოდები
გრძელ დერეფანში, ბოლო კარამდი.
თუმც მანაც ვჩქარობ, სადღაც მელიან,
ამ მარათონში მეც მსურს ჩავერთო,
ცუდი, ვფიქრობ არ ჩამიდენია,
კარგი კი, რა ვთქვა, როგორც შემეძლო.
გულს უხარია, როდესაც მზეა,
ყოველდღე ჩვენთვის ჩადის, ამოდის,
ჩვენი სიცოცხლეს ღამაზი დღეა,
თავისი დილით და საღამოთი.
ერთხელ მღერიან თეთრი გედები,
პეპელა ერთხელ შეხვდება ცისკარს,



მეც, ვიცი, მხოლოდ ერთხელ მოვკვდები,
სიცოცხლეც, ალბათ, ამიტომ მიყვარს.
ხვალ კვლავ ვენწევი ოცნების ნაპირს,
ზღაპრულ ფერიებს კვლავაც ვენწევი,
დრო კი უღმობლად გარბის და გარბის,
ამაოდ ვცდილობ, ველარ ვენწევი.
ეს დღეც გაქრება, დატოვებს სცენას,
დატოვებს მძიმედ დაშვებულ ფარდას.
წავა, წაიღებს ათასგვარ ვნებას,
აუხდენელი ოცნების გარდა!

მოლოდინი

მძლავრობს ქარი და წვიმა,
სუსხი ბორკილებს მადებს,
თუმც, ველი დღეებს მზიანს,
ვინ იცის, კიდევ რამდენს...
ველი სიხარულს, ღიმისს,
ველი ახლობლის ლოცვას,
როგორც მზის სხივებს დილის,
და ჩვილის პირველ კოცნას.
ველი ქარში თუ დარში,
სიყვარულს, წარწარს ფერთა,
როგორც იმ ზემს მაშინ,
პირველ შეხვედრას შენთან.
ველი და ვივლი დიდხანს,
დიდხანს, ეს კარგად ვიცი,
ვხედავ ჩემს ბედს და იღბალს,
ჩემი ვარსკვლავის ციმციმს.



ჩემს მარათონულ გზაზე,
აღვმართავ ბოლო ალამს,
ღმერთო, მატარე ასე,
ღმერთო, მომეცი ძალა!
დღეებს უკეთესს ველი,
დღე დღეს ნვეთებად ერთვის,
ასეა, ყოფაც ჩვენი
სულ ლოდინია ერთი.

ცოტ-ცოტა სევდა მომინდა

გადაიარა ქუხილმა,
დანყნარდა ზღვა ამღვრეული,
გადაიარა ნუხილმა,
დადგა სიმშვიდე ჩვეული.
უშფოთველობამ დამათრო,
ნეტარებაში ჩაფლული,
თითქოს არ იყო არასდროს
არც სევდა, არც სიყვარული.
თითქოს განცხრომა მოვიდა
მესალბუნება ზღვაური,
ცოტ-ცოტა სევდა მომინდა,
ცოტ-ცოტა ის სიყვარულიც...



წვიმიანი ამინდი

სახლებს აწვიმს, ხეებს აწვიმს,
მაისია ქუჩებში,
ვერ ვპოულობ სახლში ადგილს,
ატუზული კუთხეში.
ხან ფანჯარას მივადექი,
ხან ჩემს თავთან ვიჩხუბე,
არ იქნა, ვერ გავექეცი,
მარტობას, სიჩუმეს.
გავიხურე ბოლოს კარი,
არც მთლად კარგი გუნებით,
გარეთ დამხვდა წვიმა, ქარი
- სიმფონია ბუნების.
და ვიქეცი იმათ გუნდად,
დარდი სადღაც წავიდა,
გავხდი მათი წვეთი სუფთა,
წამოსული მაღლიდან.
ხან ვეპკურე მწვანე ნაძვებს,
ხან მდინარით დავეშვი,
ვერა, ერთ წუთსაც ვერ გავძლებ,
ამ წყლის ძალის გარეშე.
მე ხომ ციდან მოსული ვარ,
ჩემი ხიბლით, წუხილით,
მოსული ვარ, როგორც წვიმა,
ხან ჩუმად, ხან ქუხილით.
მოვდივარ და თან მომყვება,
ჯანი კვლავინდებურად,
ხის ფოთლების შრიალი და
განუწული ბელურა.
მე ხომ მათი ნაწილი ვარ,
ღირს სიცოცხლე ამისთვის,
თურმე, რა კარგი ყოფილა,
წვიმიანი ამინდიც.



ჰიმნი სიყვარულს!

მტრედების ღულუნს, გედების ალერსს,
არ შემიძლია არ ვეთაყვანო,
სიყვარულით და სიკეთით სავსეს,
მარადიულ და ლამაზ სამყაროს.
მოფრენილ მერცხლებს, ბელურა ჩიტებს,
მშვენიერებას, გარინდულს წამით,
ამურის ისრით დაკოდილ ირემს,
მდედრის წინაშე დახრილი თავით.
მინდვრის ყვავილებს უღრუბლო ციდან
აცოცხლებს მზე და ათბობს მაისი,
ხარობს, იზრდება პიტალო კლდიდან
ამოხეთქილი ედელვაისი.
უხსოვარ დროდან, მოსული ღმრთისგან,
მრავალ ჭირ-ვარამ გადატანილი
ყვავილობს ვაზი, ყვავილობს ჩვენთვის,
ბედნიერების ცრემლად დაღვრილი.
ზღვის ტალღა, თითქმის გაგიჟებული,
ჰქუხს და ბობოქრობს, არ ინდობს არვის,
თუმც, ბოლოს, ლამის წვეთად ქცეული,
ეალერსება მშობლიურ ნაპირს.
დარცხვენილ იას ეხვევა ვარდი,
როგორც იმ ლექსში, ჰიმნად ქცეული,
გაფურჩენილ კოკრით, ავსილი კალთით,
მზიანი, ტურფა, შეყვარებული.
გალობს ბულბული, აფრქვევს სინაზეს,
სიყვარულისგან თავგადაკლული,
ჩვენც ხომ, ჩვენც გავჩნდით დედამინაზე
ამ სიყვარულით, ამ სიყვარულით!!!



გაზაფხულის ჰანგები

აყვავილდა გაზაფხული,
ეს რამდენი იებია?
ჩვენი ნლები, დახუნძლული
მარგალიტის მძივებია,
ზოგი ლურჯი, ზოგი თეთრი,
ყველა ეტრფის დილის სიოს,
ღმერთმა ნუ ქნას, თუნდაც ერთი
სხვაგვარი გამოგვერიოს!
დაგვიბრუნდნენ გრძელი გზებით
მერცხლები ცხელ ქვეყნებიდან,
მასპინძლობენ ბელურები
გათოშილნი, თუმცა თბილად.
აპრილს ჯილდო გადაეცა
ბრძოლისათვის ცბიერ მარტოან,
გათბა მინა, გათბა ზეცა,
გახალისდა, გაიმართა.
აგერ თეთრ ცხენს მოაგელვებს,
დაიღალა ოდნავ გზაში,
ეს მაისი ფარავს ველებს,
-გაზაფხულის უსტაბაში.
არ მოგველოდეს დიდებს, ბავშვებს,
ჯანი კაცის, ზრუნვა ქალის,
ჩაუმქრალი სიკაშკაშე
დღისით მზის და ღამით მთვარის!



ხათუნა

თითქოს ერთბაშად აინთო,
მზის მილიონი ნათურა,
ამდენი სითბო სად იყო?
თურმე, მოსულა ხათუნა!
მოვიდა, შემოანათა,
როგორც ზღაპრულმა ფერიამ,
აი, ჭერი კვლავ ამაღლდა,
აგერ, კედლებიც მღერიან.
რამდენ პატარას ასწავლე,
ფიქრი და სიტყვა ქართულად,
ქართული დიდი ოჯახის
ჭირისუფალო, ხათუნა!
გეტარებინოს ბოლომდე,
ეს სიყვარული სათუთად,
და ყველა ოჯახს ჰყოლოდეს
ბევრი ასეთი ხათუნა.

დავბრუნდები, დავბრუნდები!

ემიგრანტი ბიჭის წერილი დედ-მამას

უცხოელის ოქროს ქისა
გახდა ჩვენი ბეგარა,
შემობრძანდნენ, ლამის იქცა
დიდ სადახლოდ ქვეყანა,
ჩვენ კი, სადღაც ვტკეპნით მიწას,
მიწას, უცხო ქვეყნების,
სადაც დროშებს ვშლიდით წინათ,



დროშებს გამარჯვებების.
უკან დამრჩა სახლი,კერა,
ლამეს ფიქრში ვათენებ,
ბრძოლის ველის მიტოვება,
არ გვჩვევია ქართველებს.
სინანული, მჯილის ცემა,
არ გვჩვევია, არადა,
დავბრუნდები, ამ გაქცევას
ნუ ჩამითვლით ლალატად.
კარგი საქმე, თბილი სიტყვა,
აქ არ მოდის თავისით,
აქაც მუდამ რალაც მიყვარს,
თუმც რა, ზუსტად არ ვიცი.
არ იფიქროთ, სხვის მიწაზე
ვარდ-ყვავილებს ველოდი,
ანდა კიდევ ის ვინამე,
რასაც წლები ვებრძოდით.
ვიცი, მიძიმე ჟამი გიდგათ,
მოგიმრავლდათ ხინჯები.
განზე დგომა განა მინდა?
დავბრუნდები, გპირდებით.
დავბრუნდები, სანამ მიყვარს,
ლურჯი ცა და სიცოცხლე,
სანამ ჩვენთან თუთა ისხამს,
დავბრუნდები, იცოდეთ.
თვალწინ მიდგას ხე გზის პირას,
სურო, ხეზე ასული,
თურმე რა ტკბილი ყოფილა,
ჩემი მიწა-მამული.
ვაზის ბალი,მშვიდი ყურე,
მზე და სოფლის სილაღე,
გთხოვთ, ყურძენი დამინურეთ



და კარგად შემინახეთ.
კიდევ ერთს გთხოვთ, დამახვედრეთ
ლიმილი და სინათლე,
როგორც წინათ და ამაზე
უკეთესს ვერ ვინატრებ.

შაშის ქვის ბატალიები

*ქართული კულტურის გადარჩენისათვის
მებრძოლ ყველა პატრიოტს
„თუ ჯოჯოხეთს გადიხარ, სვლა განაგრძე“
უ. ჩერჩილი*

ჰა, გადავთელე მტრის სანგრები, ვდგავარ დამკაში,
გამარჯვებული გადავყურებ ქართულ კოშკურებს,
თუმც, ვიცი ასე არ ჩაივლის მძიმე თამაში,
წინ აღმიდგება ყველა ჯურის მტერი, მოშურნე..
ვიხსენებ წარსულს და უამრავ ერის სინმინდეს,
ისტორიულ ქარტეხილებში ჩამწვარ - ჩაფერფლილს,
ვხედავ დღეს უკვე მივიწყებულ ძირძველ სიმდიდრეს,
და მიტოვებულ მარგალიტებს ფეხქვეშ დაფენილს.
ვხედავ სტიქიით სახეშეცვლილ მონასტრის კედლებს,
შაჰ-აბასიდან მკვდრეთით აღმდგარ მშობლიურ ვენახს,
წმინდა ვედრებით ხელაპყრობილ მამებს და დედებს,
ჩვენს მომავალს, ჩვენს გადარჩენას, ჩვენს ბრძოლას
ვხედავ!

დე, სავსე იყოს ძლიერების ჩვენი ყულაბა,
ერთხელ კვდებიან ძლიერები, ერთხელ შობილნი,
მინდა ვიბრძოლო ქვეყნისათვის, ჯიქურ, გულაღმა,
ვიდრე ვიცოცხო ხის დაფაზე თავჩამხობილი.

28/08/2021



წინაპრის ხმალი

*„იყო 100 წლიანი ომები, იყო 30 წლიანი
ომები, არის მუდმივი ომები...
ეს არის საქართველოს ისტორია“ /მერაბ კოსტავა/*

გამოვეთხოვეთ ომის ნამსხვრევებს,
გაქრა გმირული ბრძოლების კვალი,
და თუ ხანდახან დიდგორს მახსენებს,
კედლის მშვენიება, წინაპრის ხმალი.
თუმცა, ეჰ, ისევ გუგუნებს ზარი,
ზარი მზაფრავი, უღრუბლო ცის ქვეშ,
შიგნიდან ტყდება გალავნის კარი,
ველარ ვაკავებთ პირტიტველ ბიჭებს.
ქვეყნისთვის ერთად თუ ვიკრიბებით
ბობოქრობს შულღი, ლანძღვა, რევანში,
დასკდა ძარღვები, დაცვდა კბილები,
არარსებული მტრების ძებნაში.
ვწუხვარ, კვლავ ვებრძვით მავანს და მავანს,
ვეძებთ მიზეზებს, ფუჭს და მოგონილს,
მაშინ, როდესაც, ვივინყებთ მთავარს,
ვლალატობთ რწმენას, იმედს, მოლოდინს.
გადავიღალეთ ამდენი ბრძოლით,
ეფემერული გამარჯვებებით,
ბრძოლით, არ ვიცი, ვის და ვის შორის,
მომკალი! მოძმეს ვერ შევებმები.
ზოგი თავს კარგავს, ზოგი ხეირობს,
ზოგს, ვხედავ თმები უდგება ყალყზე,
სად გაგონილა კაცს ეზეიმოს,
გამარჯვებებით საკუთარ ხალხზე?!
მზად ვარ გაფუძლო კვლავ ბევრ ტკივილებს,
ერის წინაშე ვიხადო ვალი,



ვებრძოლო, თუნდაც, ქარის წისქვილებს,
ვიდრე, ავლესო წინაპრის ხმალი...

ერთი გასროლა, ორი გასროლა!

თოფი ესროლა ძმობილს ძმობილმა,
ულმოზლად, არც კი შეცვლია ფერი,
ეს რა სასტიკი ხალხი ვყოფილვართ,
მაგრამ რა კარგი, დიადი ერი!
ერთი გასროლა, ორი გასროლა
და განწირული ქალის კივილი,
ეს მძიმე სცენაც ასე დასრულდა
ჭირისუფალთა სულის ტკივილით...
ვხედავ სახეებს ფერმკრთალს, სევდიანს,
ცრემლიან თვალებს, გახელილს ფართოდ,
თუმც, ვწუხვარ, არვის გაკვირვებია
-ეს დრამა ბევრჯერ ნანახი გვაქვსო.
ჩვენც ხომ გვინახავს ბევრი რამ ბავშვებს,
ის დიდი ომი, ერთი ათასში,
როგორ კეტავდა დედა დარაბებს
შეშინებული, ღამის განგაშით.
თავს ვინონებდით ჩვენი ეზოთი,
ზოგჯერ გვშიოდა, იყო ბარათიც,
არ დავცემულვართ და მტერს ვებრძოდით
ჩვენც, ჩვენებურად, ომობანათი.
მიგვიყვანია ომი ბოლომდე,
და გამარჯვების შეესვით ბოკალი,
ჩვენ კი ბავშვები ისევ ვომობდით,
-მე დაგასწარი, ბახ, ბახ, მოგკალი.
უკვე მოვხუცდით, წლებიც დაგროვდა,



მაგრამ რა ცოდვამ დაგვრია ხელი,
საბედისწერო მეტამორფოზამ
ჩაკლა, ჩაცხრილა ბავშვობა ჩვენი.
აქა-იქ ბზარი გაგვიჩნდა ერში,
ვინ შეგვირყია ბედის ხომალდი,
რომელმა ეშმამ ჩაუდო ხელში,
პირტიტველ ბიჭებს მკვლელი ფოლადი?!
არაფერს ვითხოვ, ღმერთს ვევედრები,
ღმერთო, მიეცი ამათ გონება,
ცოდვის მაგივრად ის ტკბილი წლები,
რომ დარჩეს ნანატრ მოსაგონებლად!!!

ტიროდა ქალი

ოდით ვატარებთ ქვეყნის ბეგარას,
ერთად ვამბობდით ლოცვებს ტაძარში,
რა მოხდა, როდის გამოგვეპარა,
დაუნდობლობა, ცეცხლთან თამაში.
გოდება გასცდა მშობლიურ უბნებს,
ვწუხვარ, იზრდება სატანის კვალი,
ზარი ისმოდა ეზოში, თურმე,
ქალი ტიროდა, ტიროდა ქალი.
ოთახში იდგა სიმძაფრე ნამწვის,
რაფაზე სანთლის ბუუტავდა ალი,
მუქარით ჭურჭელს ამსხვრევდა კაცი,
ბავშვის საწოლთან ტიროდა ქალი.
არადა, მისი წვეთი ცრემლისთვის,
ვინ იცის, რა ზღვა სისხლი დაღვრილა,
უღრუბლო ცის ქვეშ სიმღერებისთვის,
ტიტინისათვის ჩვილის აკვნიდან.



რამ დაგვაგინა დედობა მათი,
რამ დაგვიბინდა ორთავე თვალი,
ისაა ჩვენი ჯვარცმა და ხატი,
მუდამ გვახსოვდეს,ჯერ იყო ქალი.
გულჩანყვეტილი, ის მაინც გვლოცავს,
კვლავ ერთგულების გვაძლევს პირობას,
ზარმა ჩამოჰკრა კვლავ, მაშინ, როცა
ტიროდა ქალი, ქალი ტიროდა.
შენა ხარ ჩვენი თვალის ახელა,
თვალის დახუჭვაც, ასეა ალბათ,
შენს მადლს, სიკეთეს, და შენს ნახელავს,
იქ, თან ნავილებთ, კარგად თუ ავად.
სიმყუდროება მოვიდა,დადგა,
ცა მოინმინდა, ჩაჩუმდა ქარი,
ამ დროს კი, განმარტოებით, სადღაც,
უხმოდ, უცრემლოდ, ტიროდა ქალი...

ლალი გიორგაძეს

ღრმა პატივისცემით

ასეთი იყო ქართველი ქალი,
ულრუბლო ცის და ერის გულისთვის,
ერთად ეჭირა თასი და ხმალი,
ხმალი მტრისთვის და თასი სტუმრისთვის.
დღეს ამ ქართველი დედის სინმინდე
და ერთგულება, შენა ხარ, ლალი,
ასაკი არის შენი სიმდიდრე,
ცხოვრება - დიდი, ნათელი კვალი.



და ამ ღირსებას, ერთობ ამაყი,
თავანუელი მუდამ ატარებ,
შენი ზრუნვა და შენი ამაგი
არ მოკლებოდეს დიდს და პატარებს.
ხარ მოფუსფუსე, ჩვენი მრჩეველი,
ხან მასპინძელი, ხან კი სტუმარი,
მზიანი სახლის ბურჯი-კედელი,
მზიანი ეზოს ქირისუფალი.
გვიჭირს თუ გვილხინს, შენთან მოვდივართ,
გვხვდები ღიმილით, ლალი, ალალი,
როგორ ახერხებ იყო ოდითგან
მტკიცე, მომთმენი, დაულალავი.
ყველას უყვარხარ, ყველა გაფასებს,
მოდის ყველასგან სითბო ულევი,
ჰო, და, რა არის უფრო ამაზე
წმინდა, დიადი და ხელთუქმნელი!

არტისტი

ერთ-ერთი სახლის სადარბაზოსთან
ხალხს შეამჩნევდით, ხალისით ავსილს,
იქ, საზეიმოდ იკრიბებოდა
დიდი თეატრის პატარა დასი.
ხალხს არც ჯადოქრის ჯოხი ელოდა
და არც ცილინდრში თეთრი კურდღელი,
მშობლიურ სცენას ეთხოვებოდა
კაცი პატარა, ჰოლივუდელი.
სახლში სხვაგვარი ამინდი იდგა,
მუსიკისა და ცეკვის ამინდი,



შედუღებული მეგობრულ ხიდად,
 სილალლე სტუმრის, სევდა არტისტის.
 და აქ ავსებდა პატარა სივრცეს,
 ხან მოლოცვები, ხან კი ნუგეში,
 არტისტის გული ფეთქავდა ისე,
 როგორც პანია ჩიტი უბეში.
 მხიარულობდნენ თამაშ-თამაშით,
 დარბაზში იდგა ნამწვავის ბოლი,
 კაცი ერთგული, როგორც თეატრში,
 აქაც ცხოვრობდა პატარა როლით.
 ეჰ, რა ვუთხარი ამ წუთისოფელს,
 ხანდახან ლუკმას პირიდან გაცლის,
 დაჰკანკალებდა პატარა როლებს
 დიდი როლივით, პატარა კაცი.
 ბევრჯერ უწვინა უმადურება,
 მეგობრებისგან ცრემლი და მარცხი,
 თუმც, ჩვეულებრივ, დღეს გულუხვობდა
 მოკრძალებული, პატარა კაცი.
 მას, თითქოს უკვე აღარ ამჩნევდნენ,
 ზარ-ზეიმს აღარ უჩნდა ბოლო,
 ყველანი თავის ჰანგზე ამღერდნენ,
 ყველა თავ-თავის ამბობდა სოლოს.
 ხმაური, ვნება, შუქი კი ბაცი,
 ნადიმი უკვე ორგიას ჰგავდა
 და ტრიალებდა მათ შორის კაცი,
 კაცი პატარა, ქცეული დარდად.
 თუმც, ოხუნჯობდა ჩვეულ ხალისით,
 დაყვებოდა და ჰკითხავდა თითოს:
 „გითამაშია ქვედა ნაწილი,
 სპილოსი, როცა ზედა ჭამს ნიორს?“
 იყო მუსიკა, ღამის სტუმრები
 არ ასვენებდნენ მასპინძლის დარბაზს,



ინურებოდა ოქროს წუთები
არტისტთან ბოლო შეხვედრის ალბათ.
აი, გათენდა, ხალხი წავიდა,
შინ დარჩა კაცი, ფერმკრთალი სახით,
ცრემლში ათქვეფილ, ნაშლილ გრიმით და
უერთგულესი მეგობრით, სარკით...



რკინიადა

*„როდესაც კაცობრიობა შეწყვეტს გაკვირვებას,
იგი შეწყვეტს არსებობასაც“*

ცხოვრება სავსეა მოულოდნელობებით, რაც ადამიანებში ინვესს, შესაბამისად, ზოგჯერ გაცეცხასა და აღტაცებას, ზოგჯერ კიდევ შემფოთებასა და დაბნეულობას. გასული საუკუნის 50-60-იან წლებში საქართველოში მოხდა მოულოდნელი, საოცარი რამ - გათხრების შედეგად, ჩვენი არქეოლოგების მიერ დასავლეთ საქართველოს ზოგიერთ რაიონში აღმოჩენილ იქნა ძველი კოლხური რკინის სადნობი ლუმელები, რომელიც თარიღდება XIII — VIII საუკუნეებით ჩვენს წელთაღრიცხვამდე. ამან დიდი გაკვირვება და აღფრთოვანება გამოიწვია, მაგრამ დროთა განმავლობაში, გაურკვეველი მიზეზების გამო, ის იქნა მიტოვებული და მივიწყებული. საბედნიეროდ, გამოჩნდა კაცი, მკვლევარი, მეცნიერი, ფილოსოფოსი **ბ-ნი ნიაზ ბოლქვაძე**, ჩვენში „კოლხ პრომეთედ“ წოდებული, რომელმაც დიდი ბრძოლითა და შრომით გადაარჩინა და მზის სინათლეზე გამოიტანა ეს უდიდესი, თითქმის განადგურების პირას მიყვანილი კულტურული მემკვიდრეობის ძეგლი. შედეგად, ჩვენი ქვეყანა, საქართველო, სულ მალე, სხვა ღირსებებთან ერთად, იქნება აღიარებული მსოფლიოში, როგორც რკინის სამშობლო. ამ დიდ მოვლენებსა და მის შემოქმედს, ჭეშმარიტ მამულიშვილს, **ბ-ნ ნიაზ ბოლქვაძეს**, მის ბრწყინვალე გუნდთან ერთად, მინდა მივუძღვნა ლექსების ციკლი, რასაც დავარქვი „რკინიადა“.

ზურაბ გოგეშვილი



დიდება რკინას!

შემოგვინახა ათასწლეულმა,
მადლი ქართული მიწის,
და ამ მიწაზე, სადღაც, ეულად,
ლადარი ძველი რკინის.
გვასწავლა ყველას, ყმანვილს თუ მოხუცს,
ერისთვის დაღვრა სისხლის,
რისხვა ელოდა ათასგვარ მომხდურს,
რისხვა კოლხური რკინის.
დიდი, პატარა, ჯავშანს კერავდა,
ასე ხვდებოდნენ დუშმანს,
პატივი ჩვენი მაჭახელას და
გონიოს - ქვეყნის გუშაგს.
ზღვა ბობოქრობდა, ჭექდა, ელავდა,
კოლხეთის ცამ რომ იცის,
ტოკდა, შფოთავდა დიდი ელავა,
ნაპერნკლებისგან რკინის!
სანთლის ალივით ვუფრთხილდებოდით,
სიტყვას, ფიცსა და სინდისს,
ხელი მეომრის, ხელი მეგობრის,
იყო ყოველთვის რკინის.
ვერ შეგვაშინეს შურით, მუქარით,
ქარს მიაპობდა რაში,
ცოცხლობდა კერა, როგორც ვულკანი,
თოვლში, ნვიმაში, ქარში.
ასე მოვედით, როგორც ბალადა,
მზე დაჰყურებდა თბილისს,
ზეაღმართული, ასე გვფარავდა
დავითის ხელი რკინის.
თაყვანი ჩვენგან ყველა ქვაკუთხედს,
ყველა ძველისძველ ბექობს,



იმ სიამაყეს, დღეს რომ ვაკურობხეთ,
ჩვენი წარსულის ექოს.
დიდ ტრიუმფამდე წამები რჩება,
წინაპრის სისხლი ყივის,
ერის დიდების გადასარჩენად,
- ჩვენი კოლხური რკინის !

კოლხი პრომეთე

ნიაზ ბოლქვაძეს

არგონავტები მოადგნენ ნაპირს,
ვინ არ გვწვევია, მტერი, მოკეთე,
ისმოდა გმინვა დღისით და ღამით
კლდეს მიჯაჭვული კოლხი პრომეთეს...
ლოკავდა რგოლებს ოთხფეხა ლომა,
ინვა გმირთან და ათევდა ღამეს,
თუმც, იქ, ჩნდებოდა მჭედელი მონა
და აკეთებდა სატანურ საქმეს.
გავიდა წლები, განწყვიტა ჯაჭვი,
მთიდან დაეშვა წმინდა მინაზე,
ო, მაშინ მტერზე ვიყარეთ ჯავრი,
სასწაულები მაშინ ვინამეთ.
მკერდდაფლეთილმა შეისხა ხორცი,
უკან გაბრუნდა მძლეთამძლე ზევსი,
გმირმა დაასო სიკეთის ბოძი
და ბოროტებას აუგო წესი...



რკინის ჩაქველებს ვუძღვნი

საკვირველებას სოფლისა
ვერ ნახავ ერთის ნახვით
-თურმე რა დიდი ყოფილა
ჩვენი პატარა ჩაქვი!
ერთ დროს სისხლისგან დაცლილი
დღეს ხარობს მხარე, ხალხი,
დიდი კოლხეთის ნაწილი,
ჩვენი პატარა ჩაქვი.
დაე, სიცოცხლის ბორბალი
ბრუნავდეს მუდამ ნალმა,
გვიმრავლოს გმირი მრავალი
ჩვენმა პატარა ჩაქვმა.
ყავლი გაუვა იმედებს,
ნივთებს შეგვიჭამს ჟანგი,
დარჩება სითბო, სიკეთე,
ეს უკვდავების ჰანგი.
ვმღერით უხსოვარ წლებიდან,
მხედრული რიხით, ჩალხით,
სულით - ბუმბერაზ მთებისა,
გულით - პატარა ჩაქვის.
მალე, ზოგ-ზოგის ჯინაზე,
გმირობით, შრომით, საქმით
გვეამაყოს დიდ რუქაზე
ჩვენი პატარა ჩაქვით!

30/08/2022 წ



...

*კულტურული მემკვიდრეობის გადარჩენის
საინიციატივო ჯგუფის წევრებს*

დიდხანს ვიარეთ კარგად თუ ცუდად,
დახლართულ გზებზე და გზაგასაყარს,
კვლავ ვივლით, სანამ ვხარობთ და ვსუნთქავთ,
სანამ მზე ადგას ჩვენს ძველ ბალავარს.
სანამ შევნატრით მთებსა და ველებს,
თავს არ დავზოგავთ, არ მოვისვენებთ,
ვიცოცხლებთ ისევ, სიცოცხლის მერე,
როგორც ისინი, დღეს რომ გვისმენენ.
მუხლჩაუხრელნი, შრომით, ნვალებით,
ერის სინმინდეს წლებია ვზიდავთ,
რკინის სამშობლოს ჯარისკაცები,
ლამის თავადაც ვიქეციით რკინად.
გზა დაელოცოს დღეებს იღბლიანს,
ბრწყინვალე წლების ჭეშმარიტ გარანტს,
ქართულ ქვაკუთხედს, როგორც იტყვიან,
- ჩვენს დიდ ერთობას, უძლეველს მარად.

...

ამშვენებ ქვეყნის დიდებას
ყველგან - გარეთ თუ შინაო,
მარადიულო სიმღერავ,
ნამგალო, ჩემო რკინაო!



რკინიალა

ღრმად გაიდგა ღროში ფესვი
ოდისეამ, ილიადამ,
ჩვენც გვყავს ჩვენი უხუცესი,
ჩვენი კოლხი რკინიადა.
როცა წერდა იმ ღროს, მაშინ,
ჰომეროსი „ილიადას“,
აქ, კოლხეთში, ცეცხლის ალში
ინრთობოდა რკინიადა.
ანათებდა ზეცას მზე და
ვარსკვლავები მირიადა,
ბრძოლის ჟინით ტოკდა, ყღერდა
ქვეყნის მხსნელი რკინიადა.
მოდოდა დიდხანს, დიდხანს
მტკიცე ხელით, ცხელი გულით,
სადღაც უსასრულობიდან
სამყაროში ხმლით და გუთნით.
გაიარა მძიმე ხანა,
გადარჩა და იდიადა,
დღეს აქაა, გაიხარა
ჩვენმა კოლხმა რკინიადამ.

...

მინამ გვშვა და მინა გვზრდიდა
უხსოვარი დროდან, წინათ,
მინამ შვა და განადიდა
ქვეყნის სიამაყე - რკინა.
ღულუნებდნენ ღუმელები,
აქაც, იქაც, ჩუმად, ფრთხილად
და კოლხეთის მაღლობები
იქცა ერთ დიდ კოლხურ რკინად!



რკინად ქცეული ყინული

ოდით ვცხოვრობდით მადლით და ხვავით,
ვუფრთხილდებოდით ძმობას, რიგიანს,
შენ თუ დღეს ქმნიდი სიკეთეს, ხვალ კი
კარგად იცოდი, ჩემი რიგია.
ახლა რა მოგვდის, ლამის ვიზიტად,
როს გვექცა კინკლაობა და შფოთი,
სანამ ველოდოთ უცხო მიწიდან
მტრედს, ზეთისხილის ნანატრი რტოთი?!
თუმც, მადლი უფალს, გადავიტანეთ
ჭირი ხილული, არახილული,
მონყდა ნაპირებს, მონყდა დაიძრა
უნდობლობის და მტრობის ყინული.
შრომით გაგვევლოს გზა საარსებო,
გზა უსასრულო, მარადიული,
რკინად გვექციოს, რაც კი არსებობს
ქვეყნად სუყველა მტრობის ყინული...

...

ის დილა არვის უქადდა ავდარს,
წამოვიშალეთ, ზარმა დარეკა,
ბრმად მოინვედა ტრაქტორი ავად
ერის სიმდიდრის გადასალეკად.
ამ დროს გამოჩნდი, კოლხი პრომეთე,
შვილი ამ მიწის, ამ ზღვის, ამ ცისა,
და ტრაქტორს ჯიქურ გადაეღობე,
როგორც ტანკს მამა ჯარისკაცისა!



რკინის ხიდი

როცა გავჩნდით, გაჩნდა რკინაც,
მოვდიოდით დიდხანს ერთად,
იცით, რამ გადაგვარჩინა?
დაბლა რკინამ, მაღლა ლმერთმა!
თავს ვიცავდით მისხალ-მისხალ,
ძნელბედობას რომ დაგვჭირდა,
ომში ხანჯლად ჩამოისხა
გუთნისა და ნამგლის რკინა.
მაშინ, უკვე, ჩვენ ვიცოდით
სტუმრის ფასი, მოყვრის ფასი,
და ვხვდებოდით ყველგან ოდით
მტერს მახვილით, სტუმარს - თასით.
ნანატრ ნათელს ცვლიდა ბინდი,
დავდიოდით ბენვის ხიდზე
და თუ გვექონდა წლები მშვიდი,
გვექონდა სათვალავად თითზე.
ზანზარებდა ცა და მიწა,
თავს გვესხმოდნენ ყოველ მხრიდან,
გაფუძელით, გადაიქცა
ბენვის ხიდი რკინის ხიდად.
გზა ბრძოლებით გაიარა
ერმა მცირემ, სულით დიდმა,
მეგობრობას აზიარა
დედამიწა რკინის ხიდმა.
დღეს მტკიცედ ვართ, ვიდრე ოდეს,
ერთად პატარა და დიდი,
დაე, ყველა დადიოდეს
კოლხიდელის რკინის ხიდით!!!



რკინის კოლხურ ღუმელებს

ღვთის ნილხვედრ ამ ჩემს ძირძველ მხარეში,
ღვთის ძალამ გვშობა, გადაგვარჩინა,
ხმლების ჟღარუნი, მტრების თარეში
და ბევრი რამეც გაქრა, წავიდა...
თითქოს უჩინო და უსახელო,
ამ გაღვიძებას დიდხანს ელოდი,
ყოველთვის, ჩვენი სულის მჭედელო,
ასეთად რჩები, გნამდეს, ბოლომდი.
ზოგს ვარსკვლავების ცვენა იზიდავს,
ზოგი ამაცობს ამით თუ იმით,
ჩვენ კი მოვდივართ ნეოლითიდან
და გზას ვაგრძელებთ კოლხური რკინით.
მხოლოდ შენა ხარ მარადიული,
ღრმა ძილში მყოფი, არსად წასულხარ,
შენა ხარ ჩვენი ძალა ღვთიური,
და ხიდი ჩვენი, ჩვენს დიდ წარსულთან.

...

**ვარ ტოლი რკინის ღუმელის ახლა -
-ვიღებ სითბოს და ვიღებ მილოცვებს,
ვინცებ დღეების თავიდან ათვლას
და ღუმელივით ახალ სიცოცხლეს!**



სარჩევი

შემოდგომის ფოთლები	3
ტყეში ჩიტებთან მაცხოვრა ნეტა	3
პირველად, მაშინ	4
*** წესად გვექონდეს ცხოვრებაში ტარება.....	5
ერთხელ, რთველობას!.....	5
*** კარი ყველასთვის ჩემი ღიაა.....	6
ისევ ის ბავშვობა მინდა!	7
ღიად დარჩენილი იარა.....	9
ქალი და ქარი.....	10
პრემიერაა დღეს ჩვენს ქალაქში.....	11
ესეც გაივლის! (სიბრძნე სოლომონისა)	12
ძმობის ფიალა	13
მეგობრობა	14
ამოუცნობი ღამე	15
იმ წუთებისთვის!	16
სუფთა ხელები	17
თავად მოვა.....	18
აისიდან დაისამდე	19
სინანული	19
ექიმ კახა შარაშიძეს	21
გაფრენილი წლები	22
ქალმა ეშხით შემომხედა.....	24
აფხაზეთი.....	25
ბათუმს	26
*** ბატონ გურამ ფუტყარაძეს... ..	27
ერთი ნახვით შეყვარება	28
ნატვრა	29
ნოსტალგია.....	29
მამის წუხილი	31
როგორც იმედი და მონატრება.....	32
ბალადა ძალღზე	33
ღამის შუქ-ჩრდილები	35
ცხოვრების მარათონი.....	36
ქება მზეს!	37
დედ-მამის სახლი.....	38
შენთვის.....	40
შოთა არველაძეს, 2000 წელი	41
ცუდი სიზმარი... ..	42
ოდა ყვავილს	43



ოჯახური იდილია	44
სიკეთის თესლი.....	45
ქალი და ვარდი.....	46
სახალისო.....	47
ერთი ნუთი	47
რა წავილო, სად წავილო.....	49
დედის ნუხილი	50
ჭირისუფალი	51
ერთგულება.....	52
*** განყენინე? განა მინდა?.....	53
მთები და პატარა გოგონა.....	53
შორეული ნაოსნობის კაპიტანს,.....	54
ზურაბ (ჯონი) პატარაძეს.....	54
„იყო და არა იყო რა“	56
ქეთი დოლიძეს	57
თეთრი სიჩუმე.....	58
*** გაქრა ოცნების ლურჯი მირაჟი.....	59
*** ალისფრად როცა თენდება.....	60
ჯანსაღი ცხოვრების მოყვარულთ	60
(იუმორით)	60
მათი მწამს და მათი მესმის!	62
“ესეც ასეო”	63
*** შენი ღიმილი ცისკარს მაგონებს.....	64
გიორგი შაქარაშვილის ხსოვნას!.....	65
ჩემს დას ლალის!	66
შვილიშვილს	67
გამზრდელები	68
დამოუკიდებელი საქართველოს პირველ მსოფლიო ჩემპიონს	
ბერძნულ-რომაულ ჭიდაობაში, მუხრან ვახტანგაძეს	69
ისტორიის მეტამორფოზები	70
განსაცდელი.....	71
ასანთის აღსარება.....	73
საგაზაფხულო სადღეგრძელო	74
ჩიტები და ქარი	75
მე და ზღვა	76
ბ-ნ აკაკი ბერიძეს, მისი 80 წლის იუბილესთან დაკავშირებით.....	77
*** ვერავი სენი გვიტევს და გვიტევს.....	78
თეთრი ხალათი	78
ლალატი.....	80
არა, არ მიყვარს დამშვიდობება	81
აღმაფრენა.....	82



როგორც ლოტოსი.....	83
მელანქოლია.....	84
რალაც უნდა გითხრა.....	85
მუხრან ვახტანგაძის სახელობის ბათუმის სპორტის სასახლის კოლექტივს!	86
საახალწლო	87
ჯერ იყო სიტყვა	88
„ქარის მოტანილს ქარი წაიღებს“	88
აუხდენელი ოცნება.....	89
მოლოდინი	90
ცოტ-ცოტა სევდა მომინდა.....	91
ჰიმნი სიყვარულს!	93
გაზაფხულის ჰანგები	94
ხათუნა	95
დავბრუნდები, დავბრუნდები!.....	95
შაშის ქვის ბატალიები	97
წინაპრის ხმალი	98
ერთი გასროლა, ორი გასროლა!.....	99
ტიროდა ქალი.....	100
ლალი გიორგაძეს.....	101
არტისტი	102
რკინიადა.....	105
დიდება რკინას!.....	106
კოლხი პრომეთე	107
რკინის ჩაქველებს ვუძღვნი	108
*** დიდხანს ვიარეთ კარგად თუ ცუდად.....	109
*** ამშვენებ ქვეყნის დიდებას... ..	109
რკინიადა.....	110
*** მიწამ გვშვა და მიწა გვზრდიდა... ..	110
რკინად ქცეული ყინული	111
*** ის დილა არვის უქადდა ავდარს.....	111
რკინის ხიდი.....	112
რკინის კოლხურ ღუმელებს.....	113
***ვარ ტოლი რკინის ღუმელის ახლა -.....	113

დაიბეჭდა: შპს „პოლიგრაფისტი“,
ქ. თბილისი, სურამის ქ. №13
ტელ.: 2 95 00 97
E - mail: poligrafisti@yahoo.com



